

宋槧太平御覽



1/3
403
9



13
403
9



太平御覽卷第三十五

時序部二十

豐稔

四庫全書

凶荒

旱

詩序曰華黍時和歲豐宜黍稷也

又曰我黍與與我稷翼翼我箱既盈我庾維億

又曰彼有不穫穉此有不斂穧彼有遺秉此有滯穗伊寡

婦之利

婦取之

又曰豐年秋冬報也

萬億及秭

烝昇祖妣以洽百禮降福孔偕

穀梁傳曰宣公十六年冬大有年王穀大熟

此係明治
八月八日
山田一人
悼田贈資
所購以贈
郎若以贈
書圖

八幡
田中



旱

旱

旱

旱

旱

旱

旱

旱

旱

旱

旱

旱

旱

漢書曰宣帝即位用吏多選百姓安上歲數豐穰穀每石數錢○漢記曰鮑德脩志節有名績累官為南陽太守歲

荒災唯南陽豐稔吏民愛悅號為神父又曰建武二年秋天下野穀旅生麻菽尤盛或生苳菜果實野蠶成繭被山民收其絮採穫穀菓以為畜積

京房易逆刺曰天雨穀歲大熟

尚書考靈耀曰春政不失五穀孳初夏政不失甘雨時季夏政不失地無蓄蓄謂土不稼穡秋政不失人民昌冬政不失少

疾喪五政不失百穀稚熟日月光明晚熟曰稚詩曰植稚菽麥

禮稽命徵曰天子祭天地宗廟六宗五岳得其宜則五穀豐雷雨時至四夷貢物

禮斗威儀曰君乘木而王則草木豐茂嘉穀並生

春秋元命苞曰咸池主五穀其星五者各以其職以精委

為穀也

宋均曰穀有五故五星主之

咸池之為言皆多也言穀生於子水含秀懷實至秋精垂故一名五車以載歸之為言扶而化之

孝經援神契曰歲星守心年穀豐

晏子春秋景公伐魯得東門無澤公問魯年穀對曰陰冰厥陽冰厚五寸公問晏子晏子曰君問年穀答以冰禮也

陰冰厥陽冰厚五寸者寒溫節寒溫節則政平政平則上下和上下和則年穀熟臣恐疲兵而無成君蓋蓋何禮魯不也

以息吾怨遂不伐魯

汝南先賢傳曰表安為楚相會楚王坐事互相牽引拘繫者千餘人安受命即奔轡而行先決獄時理遣一旬之中

延千人之命其時甘雨滂沛歲大豐稔

南越志曰高興縣野多客雞其形如雞而五彩至則年穰

臨海異物志曰獨春鳥聲有似春鳴聲多者五穀傷鳴聲少者五穀熟
 表子正書曰語曰歲在辛酉乞漿得酒
 梅陶書曰古人就食於安里今三州米流出門無如今年豐也若以古人用之則累年之儲也

廣雅曰年稔秋穀熟也
 栢子新論曰世俗咸曰漢文帝躬儉約修道德以先天下天下化之故致充實殷富澤加黎庶穀至石數十錢上下饒羨
 物理論曰正月朝四面黃氣其歲大豐此黃帝用事土氣均和四方並熟

監鐵論曰周公時天下太平丘陵高下皆熟
 山海經曰鱓魚見天下大穰

古歌詞曰長安城西雙員闕上有一雙銅雀宿一鳴五穀生再鳴五穀熟

禮曰歲凶年穀不登君膳不祭肺馬不食穀馳道不除祭事不懸大夫不食梁士飲酒不樂
皆為自損憂民禮殺生
后氏以心躬人以肝周人以肺不祭肺則不殺生也天子食日少半朔日大半諸侯食日特牲朔月少半不除治道為妨民取蔬食懸樂器鐘磬之屬也樂嘉食也不樂去琴瑟也
 又曰凶年則乘駑馬祀以下牲
自貶損亦取易供也駑馬特豕特豚也

傳曰五年春無冰梓慎曰今茲宋其饑乎歲在星紀而淫於亥枵以有時災陰不堪陽
時災無冰也陰盛用事而溫無冰是陰不勝陽地氣發泄
 也地乘龍
地玄武之宿虛危之星龍歲星歲
 宋鄭必饑
星木也為青龍星失次為地所乘

又曰晉薦飢麥禾皆不熟也使乞糴于秦秦伯謂百里奚與諸乎
 對曰天災流行國家代有救災恤鄰道也行道有福不鄭
 之子豹在秦請伐晉秦伯曰其君是惡其民何罪秦於是
 乎輸粟于晉自雍及絳相繼命之曰汎舟之役後秦飢晉
 閉之糴

又曰宋公子鮑禮於國人宋飢竭其粟以貸之年自七十
 己上無不饋飴也

穀梁傳曰一穀不熟謂之歉歉食不足二穀不熟謂之饑三穀
 不熟謂之饑

爾雅曰穀不熟為飢蔬不熟為饑菓不熟為荒仍飢為荐
 漢書曰高祖二年關中大飢米斛萬錢

又曰漢興接秦之弊諸侯並起民失作業而大飢饑米石
 五千相食死者過半高祖乃命民得賣子就食蜀漢

又曰歲飢民貧卒食半菽或曰半五升器名也五贊案
 士卒食菽菜以菽雜半之

又曰元帝二年齊地飢米石三千餘其穀曰麥

又曰王莽時雒陽以東米石二千莽遣三公將運關東諸
 侯倉賑貸窮乏又分遣大夫謁者教民煮木為酪暇度曰
 酪為醪不可食重為煩擾流民入關者數十萬人置養贍官

以廩之盜發其廩民餓死者十七八不賦賦謂之平準今
 東觀漢記曰王莽末南方枯旱民多飢餓郡人野澤掘菟

水草實也茨而食水也

又曰赤眉還入長安鄧禹與戰敗走至高陵軍士飢餓皆
 食藻菜帝乃徵禹還勅曰赤眉無穀自當來降吾折之活
 捶笞之非諸將憂也

謝承後漢書曰趙典兄子溫遭歲大飢散家糧以賑窮餓
 所活萬餘人

王隱晉書曰永嘉五年洛中大飢五月擊虞餓死
又曰劉琨與丞相牋曰夏則桑椹冬則登音勞豆視此哀歎
使人氣盡

晉中興書曰中原亂中宗初鎮江左假郗鑒龍驤將軍充
州刺史鎮鄒山又徐龕石勒左右交侵百姓飢饉野無生
草時或掘野鼠蟄鷄而食之

又曰太興元年詔曰亢旱穀貴百姓嗷嗷有資者貴糶貧
羸之民益困漢世穀貴官賤糶使價不超越謂之平準今
雖無此可出邛閣米萬斛使三分減一以半其價令貧困
者悉得足以至秋也

吳志曰駱公緒年八歲與親客歸會稽事嫡母甚謹時飢
荒多有困乏公緒爲之飢飲食衰少其姊仁愛有行寡婦
無子公緒見甚哀之姊問公緒曰士大夫糟糠不足我亦

何必獨飽姊誠知如是不告我而自苦若此乃自以私
粟與公緒又以告母母亦賢之遂使分施由是顯名
周書曰天有四殃水旱飢荒其至無時非積畜何以備之
夏歸藏曰士無兼年之食遇天飢妻子非其妻子也大夫
無兼年之食遇天飢與馬臣妾非其有也國無兼年之食
遇天飢百姓非所有也戒之哉
國語曰越大夫種謀曰今吳既罷音疲罷而大荒荐飢市
無赤米米之惡也而困籠空虛圓者爲困其民必移就蒲羸於
東海之濱蒲蒲子羸蚌蛤之屬也濱海涯
又曰魯饑臧文仲以玉罄如齊告糴宗廟之磬鳴球也
典略曰從興平元年至建安二年其間四歲中咸陽蕭條
後賊李堪等始將部曲入長安居卓故塢中拔取酸棗藜
藿藿從以給食發塚取衣蓋形

崔鴻三十國春秋曰諸州自建武元年十一月不雨雪至十二年八月穀價踴貴金斤直米二升民流死者十有五

六百姓嗷然人無生賴
又曰建元元年襄國大飢穀二升直銀一斤肉一斤直銀一兩

韓子曰秦大飢應侯請發五苑菓棗粟以活民王曰秦法賞有功誅有罪今發五苑是有功無功俱賞也

墨子曰百穀不收謂之旱三穀不收謂之凶四穀不收謂之餓音五穀不收謂之飢

淮南子曰畜者欲歲之荒飢謂將取厚利

袁子正書曰滑釐也今當凶年有欲與子隨侯之珠者又有欲與子一鍾之粟者子將何擇釐曰吾取粟可以救窮河圖曰日月兩重暈者飢之祥也

魏名臣奏曰太尉司馬懿奏云秋澇傷五穀又無菜蔬此方民已有食桑皮者

英雄記曰李傕等相攻戰長安中盜賊不禁白日虜掠是時穀一斛五十萬豆麥二萬人相食啖白骨委積穢滿路

又曰幽州歲歲不登人相食有蝗旱之災民人始知採稻以棗椹為糧穀一石十萬錢公孫伯圭開置屯田稍稍得自供給音

又曰建安七年鄴中大飢芋一畝二萬錢

博物志曰荒年暫辟穀法但食螞半斤輒支十日不飢漢應亨應立豫讚序曰王莽居攝以病告歸後赤眉賊攻其所居城糧盡以私穀數千萬斛賑城中于時賑粟十數萬莫不稱其仁

晉王洽集日洽臨吳郡上表日編戶僵尸葬埋無主或闔門餓餒烟火不舉

旱

春秋考異郵曰旱之言悍也陽驕蹇所致也

詩曰旱既太甚滌滌山川

又曰旱魃為虐如暎如焚我心痺暑痺病也憂心如熏熏灼也

又曰旱既大甚蘊隆蟲蟲雷而雨

書說命曰若歲大旱用汝作霖雨

又曰僭恒陽若君行僭差則常陽順之

禮曰繆公召縣子問天久不雨吾欲暴尪而奚若對曰天

則不雨而暴人之病子無乃不可乎暴巫而奚若對曰天

則不雨望之愚婦人於以求之無乃已踈乎

周禮曰司空掌群巫之政令若國大旱則率巫而舞雩

又曰女巫旱暎則舞雩

傳曰衛大旱甯莊子曰昔周飢克殷而年豐今邢方無道

天其或者欲使衛討邢乎從之師興而雨

又曰魯僖公三年自十月不雨至于五月不日旱不為災

又曰衛大旱卜有事於山川不吉

又曰僖公二十一年夏大旱公欲焚巫尪臧文仲曰非旱

備也修城郭貶食省用務嗇儉也勸分無有相濟此其務也

巫尪何為天欲殺之則如勿生若能為旱焚之滋甚公從

之是歲飢而不害

又曰魯文十年正月不雨至于七月周正月今之十一月

又曰魯宣公九年葬我小君敬嬴旱無麻始用葛篋篋所引

又曰魯昭公十六年秋鄭大旱使屠擊有事於桑山祭山也

斬其木不雨子產曰有事於山藝山林也藝護令而斬其木其罪大矣奪之官邑

漢書曰百里嵩字景山為徐州刺史時旱嵩行部傳車所經甘雨輒澍東海祝其合鄉二縣在山間嵩不往二縣獨不得雨父老請之入界即雨澍

又曰和帝永元六年秋旱時洛陽有冤囚帝錄囚理冤未還宮雨澍鄭太后事同

續漢書曰郡國旱公卿行雩禮求雨閉諸陽門衣皂衣興土龍立土人舞童二佾七日一魼

又曰郡國旱各掃除社稷公卿官長以次行雩禮求雨也魏志曰衛玠見鯨面者其妻子沒為官僮玠曰使天下不雨者蓋由此也太祖乃怒玠

晉書曰督運令史淳于伯刑於建康市百姓誼譁咸曰伯

免於是大旱三年

京氏易曰人君無惠澤於下則小旱

管子曰春不收枯骨朽齒伐枯木而去之則夏旱至矣

尸子曰湯之救旱也乘素車白馬著布衣身嬰白茅為牲

禱於桑麻之野此時絃歌鼓舞者禁之

孟子曰七月八月之閒旱則苗槁槁乾也

晏子春秋曰齊景公時旱欲祀靈山及河伯晏子曰夫山

以石為身以草木為毛髮今久不雨毛髮將焦身且熱豈

山不欲雨乎祀之何益君宜避殿暴露其索雨也公從之

出野果大雨

世說曰湯時大旱七年雒川竭煎沙爛石乃使持三鼎祀

山川教祝曰政不節邪使人疾邪賄賂行邪讒夫昌邪宮

室榮也華邪女謁盛邪何不雨之甚

洪範五行傳曰魯宣十年秋大旱時公與師伐邾取繹夫
伐國亢陽蓋師旅百姓所不欲也應是而大旱
益部耆舊傳曰趙瑤為閬中令大旱瑤請雨於靈星應時
降雨

搜神記曰周暢為河南尹元初二年大旱暢乃葬路旁露
骸為立義塚應時注雨

又曰諒輔字洪儒新都人為郡五官掾時大旱太守自暴
中庭而雨不降輔自誓日日中雨不降請以身塞無狀

無狀謂祈雨乃積薪柴自焚至日中時大雨一郡沾潤
神農求雨書曰春甲乙不雨東為青龍又為大龍東方老

人舞之壬癸黑雲興乃雨
又曰北不雨命巫祝而曝之不雨禱山神積薪具擊鼓而
焚之

瑞應圖曰遇旱責躬引咎理察冤枉退去貪殘側修惠政
則降以零雨如其有道術禱祝山川致龍轉石閉陽從陰
之類誠非瑞應是以魯侯有暴尪之誚齊景以祠山見譏
董仲舒曰春旱求雨令縣邑以水日令民禱社家人祠戶
無伐名木無斬山林曝巫聚蚰八日於邑東門外為四通
之壇方八尺植蒼繒八其神共工祭以魚入夏求雨亦以
水日家人祠竈無舉土功浚井暴釜鬲杵曰于術七日為
四通壇於邑南門外方七尺植赤繒七其神蚩尤祭以赤
雄雞七凡求雨之大體丈夫欲藏匿女子欲利而樂

師曠占旱曰歲欲旱旱草先生旱草者蒺藜是也
山海經曰大華之山削成四方有蚘名肥遺六足四翼見
則天下大旱湯時東荒之北隅有山名凶犁應龍處南極
殺蚩尤與夸父不得復上故下數旱旱而作應龍之狀乃

大雨上無作雨各故也今之士龍本此

又曰侯昆之山有人衣青衣名曰黃帝女媧音蚩尤伐黃帝請風伯雨師帝乃下天女曰媧雨止遂殺蚩尤媧不得復上所居不雨

又曰鱒魚雞山黑水多焉翬尾音豚出則天下大旱東荒之北隅有焉有子德元中牟平秩人也姑夫

太平御覽卷第三十五

時序部舉論

律

漢書京房傳又曰均清清字脫從其方位方位字脫

王隱晉書檢校定定字脫國語注繫之清本繫作擊

又九德注厚生之者清本無之者字蓋衍文又出四隲

之細也四字脫蔡邕月令沽洗注故鮮也按當作沽故

洗鮮也脫故洗二字不仲呂注後中難據下白虎通文後

復之訛林鍾注萬物成熟衆多也脫物字衆多作鍾類

白虎通陰拒之也拒字脫月令章句所容受升合之

數合字脫周官播以五音音字脫

曆

漢書律曆志徵近清本徵作微罷廢尤作律昏明定

至孝成世定衍文王莽傳注以故秦地以作南續漢

書律曆志以四分法以作六又曰道之發歛歛作輶魏略其精微微作徵唐書周漢運歷運歷疑倒蔡邕議古今之異異字脫而今術今字脫術作行

五行

洪範注箕子之所陳也之在陳下漢書五常之形氣清本常作帝魏略故去洛水去洛疑倒家語七十二日二作三遁甲開山不仙也次日下十四字脫樂記故不不字脫

四時

廣雅清本作釋名又曰清本作廣雅無日字管子五穀之所會注穀同音倅按穀字從木應與楮穀之穀同而不得與五穀之穀同其作穀轉作穀疑皆流俗之承訛也倅字未詳淮南子仲夏至脩以下八字脫

閏

公羊傳閏月矣清本矣作者

歲

白虎通數者載成萬物數疑載之訛爾雅注載取物清本無物字蓋衍文易乾鑿度而備歲用事用字脫春秋元命苞歲之為言遂也歲上有義字蓋衍文

春上

周禮又曰歌豳詩以逆之歌當作歛之當作暑白虎通正月上陽白虎通曰作又曰誤月令注祈而後耕祈字脫釋名注則今之獄矣則即之訛禮賢者注謂有名譽者也者字脫大戴禮巫祝執伎清本伎作之是也既攞印不及改故此出焉論吏之德行能法者為有行按當作能行德法者得法者為有能盛法德者清本作德

法者為有能成德法者為有功清本是也但以所引戴
記文多難通此亦姑仍舊焉

春中

史記又曰漢武帝武作世清本作漢世常據星部所出本
文作武帝為是故今改正 春秋繁露春之猶言僂猶言
倒今改 春秋元命苞春含名蠢蠢作出 其精青龍注
故就青龍萌以名之龍字脫以清本補按萌為衍文明矣
既擺印不及刪故此出焉 淮南子六合孟春與孟秋合
合上行各字 又曰行十二時之氣行字脫 臨海異物
志取梅子梅作母 周禮作夏書 閉其寒注閒其陰閒
當閉誤 祭祀先卜者卜其日與其牲清本卜其之上有
先字其日之其無

春下

京房占是為春令是作所 陸機要覽雖經雪凝寒經疑
積之訛 風俗通不得服赤也得服作渴復 虞世南史
略作光華華作澤 漢書階無等階字脫 立春之日迎
春于東郊祭青帝之日迎春郊祭青七字脫 郎顛對問
布德之初布作報 白虹春見白字脫

夏上

詩又曰四月維夏注與人為惡亦有漸按與當論誤 三
禮義宗又曰以相刑為名按刑形通 尚書考靈曜同精
感符清本符作待 漢書又曰劉欽為六月二日按為上
當有以字不然謂為訛 五行志治宮病按病疑廟誤
又青白亡景注日下無景也脫日字 謂景景上當有無
字 惟質見清本質作夏 趙書盛暑而垂垂下蓋脫帷
帳等字熱部亦出此無垂字 三十國春秋仲冬須生地

黃仲作付六韜又曰禮將清本作將禮說苑樹李按當作樹桃李者本世說又曰作吳語耳耳作矣蓋

夏中

周書時訓恒急之暴暴疑象之誤登真隱訣登真字脫

四月戊日戊作成無日字素問注天地陰陽之氣交

合萬物華實故言夏生長於萬物成實者也夜卧早起是

貪於夏氣厭於日者也清本交合下有者也字生長下無

於字夏氣下有也字日者下無也字傷心清本傷心二

字重嶺表錄異又曰亦繫連帥連帥作廉帥四時纂

要忍之人貧人貧恐倒陸機集覽集覽作纂要因上文

誤今改正攝生月令勿食蛇蟬勿字脫宜以夙興下

有如字清本作圈兵書執前行執下疑有脫文論衡

又曰鑄以為器器誤作氣據下文改穆天子傳天子北

升于春山之上北下行斗字不畏雪清本雪作霜周

處風土記黃雀長風清本無長字荆楚歲時記穫穀穫

作獲注鵠鵠作鵠鵠夏扈趣耘鋤即竊脂玄鳥鳴鋤作

鵠鳴作呼異苑庾寔清本寔作實按實皆作寔避英宗

名也注五月人脫按脫下疑有脫誤上所出酉陽雜俎

蛻精神云云文雖異其事則同竟使亡使疑便不得

上屋屋作望或起於此按此句是結前之語文宜與荆

楚歲時記又曰合為一節不可別提楚辭注滔滔滔滔

下疑有脫文

夏下

淮南子制四方止止疑正之訛注養氣長養上養疑陽

之誤羊裘不蔽體不字脫又曰自北戶烏孫烏字脫

注同今據地部下所出本文補委火委作季炎風之

野下行夏赤字又景風又下脫日字又曰唯得是待
清本作德是行按德多作得以德得通歟將別有所避歟
呂氏春秋杜厲叔清本杜作柱魏文帝詩博奕合雙
揚清本揚作楊

立夏

易說博穀按博穀卽布穀布博一音之轉淮南子注蒺
之言言下當有脫文或是湊字若然下蒺地宜作湊地
夏至
周禮又曰薙氏夏至日作日至易通卦驗又曰陰陽相
向君之象也君上疑有脫誤續漢書禮儀志冬至下當
有日字淮南子注微陰在下未成下亦有未成字此疑
因衍又曰加十五指庚皆陽之維十五下當有日字清
本皆作背風俗通告成於諸始姑清本無始字抱朴

子宣遂意解遂意恐倒神異經岸深五丈餘御名按御名
恒字真宗名也

秋上

詩注萬民因病因當作困禮曰注商亂則陂陂作吸
專任有功任字脫又曰籥章氏仲秋下當有夜字注
求諸陰作來諸侯今據原文改又曰秋見日覲注其勤
王之專按其當共訛孟康漢書音義音字脫尚書考
靈耀政失於秋秋字脫據下文子補詩含神霧女高瞻
瞭疑騰之訛廣韻瞭落蕭切身白色作白色身春秋
繁露注故殺按二字當入本文春秋元命苞下白帝二
字疑衍穆天子傳注再宿爲信信作舍拾遺記組絲
清本紉作紉文子曰因春云云按上有文子此亦當作
又曰抱朴子火常以秋起而秋減減疑滅之訛鄧德

太平御覽

舉議

七

明德明作明德 淮南子又曰備盜賊止流水盜流二字
脫今據地部所出本文補

秋下

顏氏家訓長流之職也流作留下同 盧公範饋餉儀承
柏上露承字脫 陸機要覽秋樹曰成秋雨日愁據夏部
所出要覽語例成下愁下並有脫文 陰陽五行曆又以
一月為三秋一作十三作一 地鎖圖經葉枝下垂者必
有美玉按字當在必字上

立秋

後漢書注龜獸以其立秋日其字疑衍 又曰載獲車載
車字脫據腹部所出本文補 春秋考異郵女功急趣之
之疑也誤之也多訛 三禮義宗縮之意縮上當重擎字
白虎通人民不安坤氣坤氣下疑脫不至二字夏部有

離氣不至之文與此同 後漢書注冀州北部部字脫
據小歲部所出補 續漢書又曰俗以十二月十字脫
周書時訓雷不收蟲不附附下清本有戶字按下文水不
始澗全覆前文則有附字為是收下亦宜有聲字 五行
休王論震囚囚作困

秋分

文子積陰積陽二積字疑獨之誤 注下故字疑衍 周
書時訓注放薄於上清本無放字

冬上

周禮又曰以貞來歲歲之美惡清本一歲字無日易通卦
驗鄭玄曰魚上近冰也魚下有冰字 尚書大傳萬物伏
藏之方萬物下行之方二字 呼吸萬物清本吁作呼
注氣入則寒則而之誤 三禮義宗未是極是疑至之訛

春秋感精符注漢書記字疑有誤 史記十日儀儀
字疑衍 後漢律曆志罔虺域清本虺作兩一居人宮室
官作言 又曰注以示送達之清本無示字 齊書又墓
左樹榛清本作榛樹 梁安城王梁下當有書日字清本
作又曰誤矣 吳越春秋卧則切之以蓼按切上疑有脫
文 穆天子傳大子東遊清本大作天 師覺孝子傳祥
孝彌謹孝彌疑倒 盛弘之荊州記還涉長陽溪涉字脫
據夏部所出本文補

冬下

周書時訓國不除姦人脫姦字清本作不除姦按淮南
子月令有索姦人之文事與此同人姦殊體無由致訛此
脫姦字無疑故今補入 莊子或不免於泝泝統付清本
無付字 韓子又曰春往還冬返清本無還字 淮南子

以冬鑠膠注不能者下疑脫行道二字 又曰晉人云云
注自如是之也之字衍文 又曰注故亂霧清本作霧亂
夏晦之極晦讀與海同 月令按月其字之訛以下皆
為淮南子之文當與上合為一節 執之必固執作報據
地部所出本文改正 新論不火食一月一作五據寒食
部所出汝南先賢傳改正 獨異志冬月涕泗月作中
荆楚歲時記轉除罪瘴瘴當作障 乙巳占戰事戰上疑
脫習字 宋書又曰

立冬

後漢書續禮儀志續字衍文 三禮義宗萬物終成爲節
按爲節字不通蓋下有爲節字因以致衍也
冬至

周禮南戴日下戴清本作至 注樹樹木溝上清本無一

樹字 易通封驗又曰諧調和也諧調疑倒 三禮義宗
 冬至中者中上當有為字 五經通義又曰冬至曰字脫
 史記注權上土灰按上字衍文 史記又曰後率世歲
 世字有誤 漢書晦朔望望上當有弦字 司馬彪續漢
 志絕之日絕下當有事字 晉書冬至致酒致置聲之訛
 沉約宋書又曰注崔女儀崔下當有浩字 周書時訓
 荔挺不出荔字脫 淮南子其器鍛注鍛者即內象豸豸
 水畜清本者作音 又曰故冬至燥燥誤作慘今改 顏
 師古匡謬正俗名從以構架為義按名各之訛 潘尼詩
 脩期夕脩期疑倒 宋鮑昭詩愁歲晏晏作暮今改

元日

書曰又曰注奉而行之作春行之 漢書又曰注日月歲
 也清本作歲月日也 又曰奉食舉之樂奉清本作奉是

也既擺印不及改故此出焉 沉約宋書江夏至義恭至
 當王訛 易通卦驗正月五更月當旦訛 尚書大傳又
 曰周以至動據注至始之訛 漢官儀又曰拜璧殿璧字
 疑衍 晉起居注又曰幃鄣鄣與障通 又曰寫劉孔才
 所論寫字難通疑是斥字誤作寫又轉作寫也 列子恩
 不遍不相補矣遍作過補作捕 孔叢子獻雀於趙王按
 據取其名則宜受之於上不宜取之於下之文此條雀字
 皆作爵為長 淮南子滿五十日滿字脫 神異經又曰
 竟分朋朋作明 又曰案周書緯通卦四時使人使作四
 注位於餘辰按辰下疑脫上字 又曰元日鏤鏤疑縷
 之訛 又曰正月一日正衣常常字有誤注文有常字或
 因致衍 括地圖又曰拜賀君親進椒酒作首月正元旦
 厥味惟因下文錯 應劭風俗通注北開人間方或州字

誤又飲桃湯及柏柏下當有酒字先酒先下當有與
字燂燂五兩燂燂作洋不食葷荆荆疑雞之誤又出
胡洽方清本作和合方又云令如願下有一字錄異
記按此節宜隔圈接上不可另提不得以許之以上疑
脫不字拾遺記能搏猛虎伎清本伎作猴按伎當使訛
萬歲曆注謂非正且則禁殺禁上疑脫不字王渾集
訓化之續清本續作俗按續疑續之訛晉傳玄詩若乎
火樹若字可疑

人日

荆楚歲時記注薰大清本薰作董隋陽休之詩雲週週
疑週之訛

正月十五日

齊諧記疑非其事祭門備之七祠據二句所云此條宜與

上文合為一節注首稱齊諧記中間又曰與齊諧記相符
是原歲時記之注故云然所以無妨本文若另提齊諧記
則此注不通矣異苑穿頂頂疑室之誤

中和節

唐書又曰種稵之種種作種誤也今改又曰來月月作

日

社

晉書阮修清本修作籍非也籍曰籍疑當作修

寒食

魏武帝明罰令皆絕火絕火二字脫玉燭寶典鬪雞外
外字恐衍又按又云二節承古今藝術圖而其說皆似
非藝術圖之言恐是他書目誤作云云劉向別錄蹴蹴
當作蹴鞠蓋因下文誤

三月三日

漢書帝被灑上而過焉還按當作還過焉注今月上已
今下當有三字漢書禮儀志又曰為大潔潔疑當作禊
下同中興書肩輦輦之訛今改鄴中記施張幔張
疑帳之訛續搜神記三日畢清本畢上有成婚二字按
畢上當有脫文南都賦連網網當作綱晉成公綏洛
襖賦或渙纖手渙字不知何義或是浣誤潘尼上巳帝
會天淵池帝疑宴之訛

五月五日

續齊諧記患蛟龍所竊患上有所字練樹葉練疑棟訛
風土記粟棗清本粟作粟大戴禮蓄蘭為沐清本作
沐浴鄴中記不舉食餉清本作餉食荆楚歲時記注
相傳弥以為忌為忌倒按彌疑稱之訛風土記陰陽尚

包裹米之象清本裏作裏無米字風俗通又曰以懸門
以懸倒為辟兵耳辟作褻水經注唯見一魚一恐二

伏

歷忌釋注謂之三旬也旬作詢史記濟北殿清本無殿
字蓋衍文又始為伏祠清本伏下有臘字陸翹鄴中
記陸作王風俗通不同於風俗也風疑凡之訛

七月七日

漢武帝故事注如林木如當加訛又曰九光微燈清本
微作蔽周禮風土記以糜為环清本糜作麋下同竹
林七賢論諸阮俱世儒學俱作前織女贈牽牛詩不夕
帳帳作帳宋謝惠連詩蝶足蝶疑蹀之訛蘇彥詩金
翠耀華輜軒軒散流芳按華字疑錯當在軒上梁庾肩
吾詩針縷疑當作樓雕凌鵲清本凌作陵按凌疑當

作梁聲之訛隋庾信七夕賦娥麗裝而半故清本娥作俄而作之續齊諧記見鷄牛羊鷄下當有犬字續晉陽秋車胤胤作猶胤大祖名後多拗畫作胤此亦宜爾既擺印不及改故此出焉南齊書出項羽戲馬臺清本出作登集異記西南而遊遊恐逝之訛魏文帝書有射地而生有上疑有脫字風俗不同故風俗也風俗之訛禮記月令注以祭作割之又曰主先嗇據注下當有而祭主嗇也一句今補又曰子貢觀於蜡注索羣神而祀之臘也清本作國索鬼神而祭祀也周禮以息老物脫物字注十二月下衍禮字萬物助天脫助字乃祀

而息之也乃祀作其禮皆據原文改漢書春二月清本二作三又曰從延年臘清本從上有欲字去汝東歸東上有南字續漢書已送故焉已當作己讀與以同今改焉東觀漢記博士以下一十六字脫魏臺訪議注蜡聚饗蜡下當有者字而用戌日故也故字衍文唐會要十一月上日比作上此日荆楚歲時記注呼為行疆清本行作藏皆以意作兒意皆風俗通兔髓注毗忍切清本忍作恩小歲按卷首提目作臘小歲臘附分目脫臘附二字而部中所載皆龜臙之事如其小歲二條則反插入臘部中甚無倫次蓋編輯失檢爾漢書注王者亦以臘按臘疑獵之訛熱

漢書不令使注上聲使去聲使去聲恐衍 括地圖民善沒水以避暑將暑常入寒泉之水暑將作時 大暑賦元服元疑玄

寒

謝承後漢書迨刑罪云云迨疑迺訛 趙書謂之謠謂當作爲 淮南子又曰注天神青天王女天作女 晉朝雜事又曰冰厚按下有脫文 戰國策不知知如之訛今改 說苑水凍不與水冰之訛 傅玄詩恒慙歡歡作歎其誤明矣今改

豐稔

詩又曰注種同種作穗據原文改 古歌詩雙員闕清本作闕員

凶荒

禮曰注除治道除上脫不字今補之 吳志寡婦無子婦疑歸之訛 姊誠知如是姊疑汝之訛 袁子正書曰滑釐也清本無上曰字也作曰按此句上有脫文 今當凶年脫凶字 魏名臣奏此方民此疑北之訛

旱

墨子曰百穀不收百字疑有誤 洪範五行傳伐邾取繹夫伐國作雨齊代業失代國 山海經鱒魚鷄山注子德十二字清本無

十二平流本無
 夫舟同音而音升樂代外國
 墨子曰百鍊不銷百字其鍊
 早
 漢書言未卒誤率
 拾遺記為輪綸誤輪
 淮南時則
 二出月二出誤倒
 商子百八食人誤入
 秋下
 孫綽
 詩凝宵霄誤宵
 冬上
 周書時訓鴈北卿鄉誤卿
 國
 乃大冰水誤冰
 殷芸小說陸下陸誤陸
 傅玄詩未久
 夕誤久
 冬至
 周禮又曰薙氏冬至夏誤冬
 元日
 魏書荀或荀或誤荀或
 晉載記又曰兗州刺史史誤
 吏
 有擊囚繫誤擊
 孔叢子王受雀者民誤者
 三月

時序部覆校舉譌

夏上 爾雅又曰為昊天為上脫夏字 堯典注也蒼龍
 之中星火誤也 禮又曰注絃誤弦 續漢書禮儀志百
 官官誤官 論衡又曰莫不然謂然謂誤倒 世俗感之
 惑誤感 夏下 淮南子又曰繁之繫誤繁 秋上 禮
 曰某日日誤日 將師帥誤師 又曰晝夜晝誤晝 後
 漢書言未卒誤率 拾遺記為輪綸誤輪 淮南時則
 二出月二出誤倒 商子百八食人誤入 秋下 孫綽
 詩凝宵霄誤宵 冬上 周書時訓鴈北卿鄉誤卿 國
 乃大冰水誤冰 殷芸小說陸下陸誤陸 傅玄詩未久
 夕誤久 冬至 周禮又曰薙氏冬至夏誤冬 元日
 魏書荀或荀或誤荀或 晉載記又曰兗州刺史史誤
 吏 有擊囚繫誤擊 孔叢子王受雀者民誤者 三月

三日 風土記不御止家復誤御 五月五日 續齊諧
 記今若若一若誤衍 七月七日 漢武帝故事注景帝
 夢夢誤夢 七月十五日 道經薄錄簿誤薄 臘 漢
 書又曰都享亭誤享 養生要術旁井誤倒 齊書宋人
 二出民二出賤國 商千八百人食人精人 齊書
 日某日日賤日 律神精精 又只書齊書精靈 齊
 中星火精 蘇又曰封精精 蘇又書齊書精靈百
 蘇又書齊書精靈百 蘇又書齊書精靈百

太平御覽卷第三十六

地部一

地上

釋名曰地底也言其底下載萬物也亦言諦也五土所生
 莫不審諦也亦謂之坤坤順乾也
 說文曰元氣初分重濁為地萬物所陳列也
 易曰坤元亨利牝馬之貞 馬在下而居者也而必牝者
 順之至也至順而後乃亨
 又曰至哉坤元萬物資生乃順承天坤厚載物德合無疆
 含弘光大品物咸亨牝馬地類行地無疆象曰地勢坤 地
 不順其君子以厚德載物言曰坤至柔而動也剛至靜
 而德方後得主而有常含萬物而化光坤道其順乎承天
 而時行又云陰雖有美含之以從王事弗敢成也地道也
 妻道也臣道也地道無成而代有終也

又曰夫玄黃者天地之雜色也天玄而地黃

又曰立地之道曰柔與剛

又曰坤地也故稱乎母陸績注曰取含養也

又曰本乎地者親下

又曰在地成形鄭玄注形謂草木鳥獸王虞注形謂山川等

禮記曰人道敏政地道敏樹鄭玄注云樹謂植草木

又曰今夫地一撮土之多及其廣厚載華岳而不重振河

海而不泄萬物載焉此言地之博厚本由撮土山之廣大少成多自小致大

至誠者亦如此乎

又曰地載物天垂象取財於地取法於天是以尊天而親地

又曰博厚所以載物也高明所以覆物也博厚配地高明

配天

又曰成子高謂慶遺曰生益於人死不害於人我死則擇不食之地而葬我焉

又曰燔柴於泰壇祭天也瘞埋於泰折祭地也

又曰天地不合萬物不生

又曰子夏曰三王之德參於天地敢問如何斯可謂參天

地矣孔子曰奉三無私以勞天下子夏曰敢問何謂三無

私子曰天無私覆地無私載日月無私照

又曰凡四海之內斷長補短方三千里為田八十萬億一

萬億畝九州之方百里者為田九十億畝山陵林麓川澤

溝瀆城郭宮室塗巷三分去一其餘六十億畝

周禮曰土訓掌道地圖以詔地事道說也說地圖九州形勢山川所宜告王以施

其事也

又曰以天產作陰德以中禮防之以地產作陽德以和樂

防之以禮樂合天地之化百物之產

又曰大司徒掌天下土地之圖周知九州之地域廣輪之數東西為廣南北為輪辯五地之物生一曰山林其動物宜毛其植物宜阜二曰川澤動物宜鱗植物宜膏三曰丘陵動物宜羽植物宜麋四曰墳衍動物宜介植物宜莢五曰原隰動物宜羸植物宜藜

爾雅曰東至泰遠西至邠國南至濮鈇北至祝栗謂之四極觚竹北戶西王母日下謂之四荒九夷八狄七戎六蠻謂之四海距齊州以南戴日為丹穴北戴斗極為空桐東至日所出為太平西至日所入為太蒙郭璞注曰極四方北極在西北極在西南極在東極在東極遠國也觚竹在四極者九夷在東八狄在西北七戎在西南六蠻在南方次四荒者距去也齊中地健為舍人注曰晦冥無識不可教誨故曰四海自中州以南日光所照故曰丹穴尚書孝靈曜曰地有四遊冬至地上北而西三萬里夏至

地下南而東復三萬里春秋分則其中矣地恒動不止人不知譬如人在大舟中閉牖而坐舟行不覺也

詩含神霧曰天地相去億五萬里

春秋感精符曰冬至成天文夏至成天理

春秋元命苞曰神農世性養生自阜性義自阜圖地形脉

道自阜為神農圖蓋地形通水道之脉使不擁塞也

又曰土無位而道在故太一不興化人主不任部地出雲

起雨以合從天下勤勞出於地功名歸於主土以謙自正以卑自歛終

不自伐生養之苦乃興雲

又曰地所以右轉者氣濁精少含陰而起遲故轉迎天佐

其道地生於離既而不敢當陽動退居少陰則亦宜右

又曰地不足東南陰右動終而入靈門地不足東故言立

午者陰陽之象所見也故以二辰迴轉所不同

以爲門也右動動而東也靈門已也陰藏已也

太平御覽

卷三十六

二

又曰地者易也言養物懷任交易變化含吐應節故其立

字土力於一者為地地加土以力又加一者言奉大一也

春秋說題辭曰地之為言婉也承天行其義也居下以山

為位道之經也山陵之大非地不制舍功以牧生故其立

字土力於一者為地即天也

春秋內事曰地有十三分王侯之所居也

孝經援神契曰地順受澤謙虛開張開張九竅受流灑潤是其謙虛也

又曰計校九州之別土壤山陵之大川澤所注萊沛所生

鳥獸所聚凡九百一十萬八千二十四頃磽坳不墾者千

五百萬二千頃

家語曰子夏曰商聞山書曰地東西為緯南北為經山為

積德川為積刑高者為生下者為死丘陵為牡川谷為牝

蚌蛤龜珠與月盈虛是故堅土之人剛弱土之人肥虛土

之人妙實土之人細息土之人美礪土之人醜

史記曰顓頊養材以任地載時以象天

漢書曰天道貴信地道貴貞不信不貞萬物不生

又曰秦地於天官東井輿鬼之分野周地柳七星張之分

野韓地角亢氏之分野趙地昂畢之分野燕地尾箕之分

野齊地虛危之分野魯地奎婁之分野宋地房心之分野

衛地營室東壁之分野楚地翼軫之分野吳地斗牛之分

野

晉書曰裴秀禹貢九州地域圖論曰圖書之設由來尚矣

自古垂象立制而賴其用三代置其官國史掌其職暨漢

祖屠咸陽丞相蕭何盡收秦之圖籍今秘書既無古之地

圖又無蕭何所得秦之圖籍唯有漢氏輿地及括地諸雜

圖各不設分率又不考正準望亦不備載名山大川其所

載列雖有麤形皆不精審不可依據或稱外荒迂誕之言不合事實於義無取今制地圖之體有六一曰分率所以辯廣輪之度也二曰準望所以正彼此之體也三曰道里所以定所由之數也四曰高下五曰方邪六曰迂直此三者各因地而制以校夷險之數也有圖象而無分率則無以審遠近之差有分率而無準望雖得之於一隅必失之於他方有準望而無道里則施於山海絕隔之地不能以相通有道里而無高下方斜迂直之校則徑路之數必與遠近之實相違失準望之正矣故必以此六者參而考之然後遠近之實定於高下方邪迂直之筭故雖有峻山巨海之隔絕域殊方之迥登降詭曲之因皆可得舉而定者準望之法既正則曲直遠近無所隱其形也
抱朴子云太極初構清濁始分故天先成而地後定

河圖括地象曰八極之廣東西二億三萬三千里南北二億三萬一千五百里夏禹所治四海內地東西二萬八千里南北二萬六千里

又曰天有五行地有五岳天有七星地有七表天有四維地有四瀆天有八氣地有八風天有九道地有九州

又曰崑崙山爲天柱氣上通天崑崙者地之中也下有八柱柱廣十萬里有三千六百軸互相牽制名山大川孔穴相通

又曰地廣東西二萬八千南北二萬六千有君長之州有九阻中土之文德及而不治

河圖挺佐輔曰百世之後地高天下不風不雨不寒不暑民復食土皆知其母不知其父知此千歲之後而天可以倚杵伺旬隆隆莫知始終

河圖曰元氣無形匈匈蒙蒙偃者為地伏者為天

黃帝素問曰積陰為地故地者濁陰也

洪範五行傳曰地者成萬物者也

周髀算經曰天不可階而升地不可尺寸而度

楚辭曰地方九則何以墳之王逸注曰墳分也謂九州之地凡九品禹何以能分別之

也康廻馮怒地何以東南傾康廻共工也昔共工與顓頊爭為帝怒而觸不周山天柱折地維絕故傾也

見淮南天道篇也

鹽鐵論曰古者制地足以養民民以承其上千乘之國百

里之地公侯伯子男各充其欲秦兼萬國之地有四海之

富而意不贍者嗜欲多而下不堪其求也

太玄經曰天以不見為玄地以不形為玄人以心腹為玄

天與鬱化西北精也地與黃泉隱魄榮也人與思慮含至

精也

又曰九地一為沙泥二澤澗三征崖四下田五中田六上

田七下山八中山九上山

蔡邕月令章句曰惣丘陵原隰阪險曰地○范子計然曰

夫地有五土之宜各有高下

鄭玄注孝經曰分別五土視其高下若高田宜黍稷下田

宜稻麥丘陵坂險宜種棗栗

楊泉物理論曰凡居地有大利而無小害者上地也

山海經曰帝令豎亥步自東極至于西極五億十選郭璞注曰

豎亥健行人九千八百八步豎亥左手抱筭右手指青丘

北

又曰天地之東西二萬八千里南北二萬六千里出水者

八千里受水者八千里

物理論曰地者底也底之言着也陰體下著也其神曰祇

祇成也育生萬物備成也其卦為坤其德曰母地形有高
 下氣有剛柔物有巨細味有甘苦鎮之以五岳積之以丘
 陵播之以四瀆流之以四川蓋氣自然之體也地發黃泉
 周伏迴轉以生萬物地天之根本也形西北高而東南下
 東西長南北短其盡四海者也

又曰地者其卦曰坤其德曰母其神曰祇亦曰媪大而名
 之曰黃地祇小而名之曰神州亦名后土黃地祇舉八極
 幾方千里內地神也后土社
 也社地主也所在皆得言之

詩推度灾曰上清下濁號曰天地

博物志曰地氏之位起形於崑崙從廣萬里高萬一千里
 神物之所生聖人仙人之所集崑崙之東北地轉下三千
 六百里有八玄幽都方二十餘萬里下有四柱柱廣十萬
 里地有三千六百軸互相牽制也

又曰地以名山為之輔佐石為之骨川為之脉草木為其
 毛土為其肉三尺以上為糞三尺以下為地重陰之性也
 又曰中國之域左瀆海右通流沙方面言之萬五千里面
 二千五百里東至蓬萊山西至隴右後號荆北前及衡岳
 若計共四隅有三億之餘朝鮮岷山東治可西也隴川以
 南及北海之國此是堯舜土及萬里湯時七千里此後亦
 無常隨德優劣也

論衡曰地戶在東南

又曰地之最下者有楊究二州洪水之時此二土最被水
 害

又曰山川陵谷為之地里

又曰地性生草山性生木

白虎通曰地者元氣生萬物之祖也地之言施也諦也應

施變化審諦不誤敬始重終故謂之地也

老子曰地得一以寧地無以寧將恐發

莊子曰天地非不廣且大也人所容足耳

又曰海水三歲一周流波相薄故地動

列子曰共工與顓頊爭為帝怒而觸不周之山天柱折地

維絕地不滿東南故百川歸焉

又曰地積塊耳充塞四虛無處無塊

文子曰地承天故定寧地定寧萬物形地廣厚萬物聚定

寧無不載廣厚無不容

又曰地方面無涯故莫能闕其門

管子曰地或維之地莫之維地亡必矣

又曰地者政之本也是地可以正地不均平和調則政不

可正也

桓公問管子曰地數可得聞乎曰東西二萬六千里南北

二萬六千里出水者八千里受水者八千里出銅山四百

六十七出鐵山三千六百九處封禪之王七十二家

墨子曰禽子問天與地孰仁墨子曰翟以地為仁民衣焉

食焉死焉家焉地終不責德焉故翟以地為仁

淮南子曰禹使大章步自東極至于西極二億三萬三千

五百七十里使豎亥步自北極至于南極二億三萬三千

五百七十里

又曰重濁者淹滯而為地

又曰天有九部八紀地有九州八柱九州之外有八挺東

方曰沙海東南方曰沅澤南方曰浩澤西南方曰丹澤西

方曰泉澤西北方曰海澤北方曰塞澤東北方曰無通澤

又曰扶桑之上眾帝所自上下日中無景呼而無嚮蓋天

地之中也弱水在東建木在西未有十日其華照地九州
 之大純純緣也方千里九州之外乃有八寅一日不溫亦方
 千里自東北方曰大澤無漸也曰無通東方曰大渚曰少
 海東南曰具區曰厄澤南方曰大夢曰浩澤西南方曰注
 資曰丹澤西方曰九歐曰泉澤西北方曰大夏曰海澤北
 方曰大冥曰寒澤凡八寅八澤之雲是雨九州八寅之外
 乃有八紘紘維亦方千里自東北方曰和丘曰荒土東方
 曰棘林曰桑野東南方曰大窮曰衆女民少男南方曰都
 廣曰反戶在日之南西南方曰焦僥曰炎土焦僥人長三
 西方曰金丘曰沃野金丘金西北方曰一目曰沙所其目
 北方曰積冰曰委羽積冰至寒也委羽山名凡八紘之氣
 是出寒暑以合八正必以風雨八紘之外乃有八極自東
 北方曰方土之山曰蒼門東方曰東極之山曰開明之門

東南方曰波海之山曰陽門南方曰南極之山曰暑門西
 南方曰南極編駒之山曰白門西方曰西極之山曰閭闔
 之門西北方曰不周之山曰幽都之門北方曰北極之山
 曰寒門凡八極之雲是雨天下八門之風是節寒暑八紘
 八寅八澤之雲以雨九州而和中土東方之美者有醫無
 閭之珣玕琪焉醫無閭東夷之山也珣玕琪玉名也東南方之美者有會稽
 之竹箭焉南方之美者有梁山之犀象焉西南方之美者
 有華山之金石焉西方之美者有霍山之珠玉焉西北方
 之美者有崑崙虛之璆琳瑯玕焉璆琳瑯玕珠名也北方之美者
 有幽都之筋角焉東北方之美者有徒格山之文皮焉文皮
 虎豹文皮也

太平御覽卷第三十六
之東春亦具
亦稱山之金
之昔前高南
關之與和
入實入
之門西
南式日
東南式日

太平御覽卷第三十七

地部二

地下
土
壤
塊
塵

淮南子曰東方之極自碣石碣石山在過朝鮮東夷貫大
人之國東方有大東至日出之次扶木之池青土樹木之
野皆日所出之地太皞勾芒所司者萬二千里其令曰挺群禁開
開闔通窮窒達障塞行優游棄怨惡解放罪免憂患休罰
刑開關梁宜出財和外怨撫四方行柔惠止剛強南方之
極自北戶烏孫之界北戶日在其貫巖頊之國南方有顯
南至委火炎風之野赤帝祝融之所司者萬二千里赤帝
審識也祝屬也融工也其令曰爵有德賞有功惠賢良救
萬物盛長屬續而工也

飢渴舉力農振貧窮惠孤寡養老疾出大祿行大賞起毀
 宗立無後封建侯立賢輔中央之極自崑崙東絕恒山崑
 山在西方宿日月之所道謂二十八宿舍江漢之所出人民
 之野五穀之宜龍門河濟相貫以息壤堙鴻水之州禹以
 洲洪水以爲中國九東至於碣石黃帝后土之所司者萬
 二千里道黃中色帝道其令曰平而不阿明而不苛包
 裹覆露無不囊懷普大無私正靜以和行糜粥養衰老弔
 死問疾以送萬物之歸西方之極自崑崙絕流沙沈羽羽
 至沉毛羽也西至三危之國石城金室飲氣之民不死之
 野少皞蓐收之所司者萬二千里少皞白帝之號少皞陰
 取用之可其令曰審用法誅必辜備盜賊禁姦邪剏郡牧
 謹貯聚脩城郭補缺竇塞蹊徑隄溝瀆止流水壅谿谷守
 門閭陳兵甲選百官誅不法北方之極自九澤九澤北方

窮夏海之極

夏海大

北至令止之俗

令止丁令

有凍寒積

冰雪霜霰漂潤群水之野顓頊玄冥所司者萬二千里

顓頊黑帝之號顓頊大言大陰用事振

翕而寒也陰閉不見故神爲玄冥也

其令曰申群禁固閉

藏脩塞障繕關梁禁外徒斷罪刑殺當罪閭閻大搜客止

交游禁夜樂早閉晏開以索姦人姦人已得執之必固天

節已幾也

刑殺母赦雖有盛尊之親斷以法度母行水

母發藏母釋刑罪

又曰任一人之能不足以治三敵之宅也循道理之數因

天地之自然則六合不足均也

均平

又曰盧敖游于北海盧敖燕人秦始皇帝召以爲徑乎太

陰入乎玄闕大陰北至於蒙穀之上見一士焉深目而玄

鬚淚注而鳶肩豐上而殺下軒軒然迎風而舞顧見盧敖

慢然下臂遜逃乎碑廬敖就而視之方卷龜殼而食合黎

太平御覽
 卷三十七
 一

合梨盧敖與之語曰唯敖為背群離黨窮觀於六合之外者非敖而已乎敖幼而好遊至長不渝解周行四極唯北陰之不闕今卒睹夫子於是子殆可與敖為友乎若士者音拳然嘆曰噫子中州民寧肯而遠至此此猶光日月言陰之地尚見日月而載列星陰陽之所行四時之所生此其比夫不名之地猶突與言我所游不可字各之地以若我南游乎罔罫之野北息乎沈墨之鄉西窮冥冥之黨東開瀕濛之光此其下無地而上無天聽焉無聞視焉無眴此其外猶有狀沐之汜狀沐四海與天之際流聲也汜崖也其餘一舉而千萬里干里狀沐吾猶未能之在吾尚未今子游始此乃於語窮觀豈不亦遠哉然子虺矣哉與汗漫期於九垓之上汗漫不可知之地九垓也吾不可以久居士舉臂而竦身遂入雲中盧敖仰而視之弗見乃止駕止其所駕而居

尸子曰八極之內有君長者東西二萬八千里南北二萬六千里故曰天左舒而起牽牛地右闢而起畢昴孟子曰天子地方千里不方千里不足以待諸侯諸侯之地方百里不方百里不足以守宗廟之典籍呂氏春秋曰凡四極之內東西五億有九萬七千里南北五億有九萬七千里又曰長廬子曰山岳河海水金石火木此積形成乎地也又曰冬之德寒寒不信其地不成剛地不成剛則凍閉不開天地之大四時之化而猶不能以不信成物又況於人關令內傳曰地厚萬里其下得大空大空四角下有自然金柱輒方圓五千里

釋名曰土吐也吐生物也徐州貢土五色色有黃青白赤

黑也土赤者鼠肝色也土色黑曰盧盧然解散也土黃而細密曰埴埴膩也如脂之膩也土色青曰藜似藜草也土色白曰漂漂輕散也

尚書禹貢曰冀州土白壤孔安國曰無塊曰壤兗州土黑墳孔安國曰起墳青州土白墳徐廣曰楊州土塗泥馬融曰荆州土塗

泥豫州土白墳下墳孔安國曰盧味也馬融曰豫州土黃壤徐州土赤散墳謝沉注曰梁州土青驪孔安國曰

又洪範曰五行其五曰土土爰稼穡穡稌作甘孔安國曰可以飲甘味生百穀

尚書帝命驗曰土者金之父也周書作雒曰周公建太社於國中其壇東青土南赤土西

白土北驪土中央以黃土將建諸侯鑿其方一面土其以白茅以土封之故曰裂土

詩曰溥天之下莫非王土

又曰孔樂韓土川澤詩詩

周禮地官土曰大司徒辨十二土之名以相民宅知其利

害以任土事

禮記曰范金合土以為臺榭

又曰土弊則草木不長

又曰地一撮土之多及其廣厚載華岳而不重

又曰衆生必死死必歸土此之謂鬼骨肉斃于下陰為野

土陰蔭也

蔡邕月令章句曰色別曰土言五方土色各異也

崔寔四民月令曰正月雨水中地氣上騰土長冒擗陳根

可拔

春秋元命苞曰土為言吐也言子成父道吐其氣精以輔

也陽立於三故成生其立字十從一爲土
春秋繁露曰天有十端其土爲之一端
春秋考異郵曰后族專則土踊宋均注曰陰盛也
論語里仁曰君子懷德小人懷土
家語曰孔子曰堯以土德王而尚黃黃土之色也
又曰食土者無心而不息
又曰宰我問於孔子曰聞鬼神之名而不知其所謂敢問
孔子曰人生有魂氣有魄氣也者神之盛也衆生必死死
必歸土此之謂鬼魂氣歸天此之謂神
戰國策曰孟嘗君將入秦蘇秦曰臣來過於淄上有土偶
人與桃梗相與語桃梗語土人曰子岸上土也八月降雨
淄水至則汝殘矣土偶曰土則復爲岸矣今子淄水至則
水漂何所之也

漢書張釋之傳曰文帝拜釋之爲廷尉人有盜高廟坐前
玉環文帝怒下廷尉治奏當棄市上大怒釋之頓首謝曰
假令愚民盜長陵一抔土陛下復何以加其法乎
後漢書曰朱浮與彭寵書曰亦猶河濱之人捧土以塞孟
津
謝承後漢書曰東郡趙咨病自置小素棺使人取乾黃土
二十石細擣篩之遺令亡後置土棺底厚一尺內屍於中
以土壅之
又曰范訓母亡以布囊盛土負以成壙
魏志曰魏明帝起芳林園建昭陽殿公鄉以下至於學生
莫不展力帝乃躬自握土以率之
後魏書曰高昴父次同語人曰吾四子皆五服我死後豈
有人與我一鍬土邪及次同死昴大起塚封之曰此老公

子平生畏無一鐵土今日被壓竟知之否
唐書天寶十三載冊楊國忠為司空其日雨土
江表傳曰孫權討袁術舉兵攻皖城術閉門自守糧食乏
盡士女或丸土而吞之
晉安帝紀曰劉敬宣在鮮卑夢丸土而服之既而占焉或
答曰此服土吞丸也既覺而喜曰丸者相也既吞矣我復
本土也旬日中聞桓玄敗得來歸
世本曰稟君名務相姓巴與樊氏暉氏相氏鄭氏凡五姓
俱出皆爭神以土為船雕文畫之而浮水中其船浮因立
為君佗船不能浮猶稟君船浮因立為君
蜀王本紀曰蜀王獵於褒谷見秦王以金一笥遺蜀王蜀
王報以禮物盡化為土秦王大怒臣下拜賀曰土地也今
秦當得蜀矣

崔鴻十六國春秋後趙錄曰建武十三年沙門吳進言於
帝曰胡運將衰晉當復興當苦役晉人以厭其氣帝於是
使尚書張郡發近郡男女十六萬車十萬乘運土築華林
園及長墟一作于鄴北廣長五里
白虎通曰土在中央者主吐含萬物
聖證論曰孔暈云能吐生百穀謂之土
河圖挺佐輔曰自此百世之後地高天下山陵消去不風
不雨不寒不暑民復食土皆知其母不知其父
雷煥別傳曰煥與張華見異氣起牛斗之間煥曰此寶劍
也拜煥豐城令到縣掘獄基入四十餘尺得一石函中有
雙劍琢錯文采翳而未明君初經南昌遣人取西山北巖
下土二升黃白色拭劍光豔照耀莫不驚愕張公得劍喜
置坐側曰此土南昌西山北巖土也不如華陰山赤土封

一斤與君答書云詳觀體真于將也君更用赤土磨拭逾益精明

晉書符堅傳初秦之未亂也關中土無火而煙氣大起數十里月餘不滅

宋躬孝子傳曰宗承字世林父資喪葬舊塋負土作墳不役僮僕一夕閒土壤高五尺松生焉

荆州先德傳曰羅獻守巴東吳遣盛曼說獻合從之計詣獻求借城門獻遣參軍楊宗謾曰城中土一撮不可得何言城乎

三輔舊事曰成帝作延陵及起廟竇將軍有青竹田在廟南恐犯蹈之言作陵不便乃徙作昌陵取土十餘里土與粟同價

關中記曰未央宮蕭何所造周迴二十三里疏龍首山土

爲殿基殿基出長安城上也。

宣城記曰江矩吳時爲盧江太守以清稱徵還船輕皆載土時歲暮逐除者就乞所獲甚少江乃語之逐除人見而去

盛弘之荆州記曰武當縣有一谿岸土色鮮黃乃可噉

義興記曰陽羨縣塘西潛壤中有黃土色如精金

法顯記曰阿育王昔在小兒時當道戲遇迦葉佛乞食小

兒欣喜卽以一掬土施佛佛持還泥經行地因此果報作

鐵輪王○晉太康地記城陽姑募縣有五色土

吳郡記曰吳縣餘杭山出白土光潤如玉○墨子曰商王

紂不德兼夜十日雨土於亳○孫卿子曰子貢問於孔子

賜未知爲人下者其猶土也深掘之而得甘泉樹之而五

穀蕃草木植焉禽獸育焉生則主焉死則入焉多其功而

不得為人下者猶土也韓詩外傳說苑並載也

申子曰四海之內六合之間曰奚貴曰貴土土食之本也

淮南子曰伊尹曰興土功也脩脚者使之蹶鑿強脊者使之負土曰又孫綸曰山出白土光曰成王曰墨子曰商王

淮南萬畢術曰東行馬蹄中土令人卧不起取東行白馬蹄中土三家

井中混合土和之置臥人臍上即不能起

又曰竈之土不思故鄉取竈前三寸方半寸取中土持之遠出令人不思故鄉

裴玄新語曰俗間有土公之神云土不可動玄有五歲女

孫卒得病詣市卜云犯土玄即依方治之病即愈然後知

天下有土神矣

物理論曰游濁為土土氣合和而庶類自生

抱朴子曰土飯瓦裁不療於飢

抱朴子曰土飯瓦裁不療於飢

說文曰壤軟土也

尚書康誥曰賓奉珪幣執壤奠孔安國注曰賓諸侯執壤地所出而奠贊

尚書孔安國注曰土無塊曰壤

周禮地官土司徒職曰大司徒辨十二壤之物而名其種

教稼穡樹藝

史記曰李斯上書曰太山不讓土壤故能成其高河海不

擇細流故能就其深

王隱晉書曰解結問別駕治中日河北白壤高良何故少

人士每以三品為中正

山海經曰洪水滔天鯀竊帝息壤以湮洪水不待帝命祝

融殺鯀于羽郊郭璞注曰息壤謂土自長故可以堰水也漢元帝時臨除縣地涌長六里高二丈即

息壤類

帝王世紀曰禹葬曾稽下不及泉上不通臭既葬收餘壤

為壟

蕭廣濟孝子傳曰巴郡文讓母死墳土未足耕一畝地為壤群鳥數千銜所作壤以著墳上
關中記曰長安地皆黑壤城今赤如火堅如石
韓子曰蟻冬居山之陽夏居山之陰蟻壤寸而有水乃掘遂得水

塊

禮記稽弓上曰寢苦枕塊

左傳曰晉文公過衛出五鹿乞食於野野人予之塊公怒咎犯曰天賜也稽首受而載之

國語曰楚靈王在乾溪彷徨於山林枕疇人之股疇人枕

王以璞而去之

賈逵曰璞塊也

徐整長曆曰黃帝時風不鳴條雨不破塊也

淮南子曰土勝水者非一璞塞江也

許慎注曰璞塊也

詩曰無將大車維塵冥冥

禮記曰前有埃塵則載鳴鳶

鄭玄注曰鳴則將風

又曰為長者糞之禮必加箒於箕上以袂拘而退其塵不及長者

左傳曰晉楚戰狐毛設二旆而退之欒枝使曳柴而偽遁

曳柴起塵詐言聚衆走

又曰潘黨望其塵使騁而告曰晉師至矣楚人懼遂出陳史記曰鉤弋夫人死雲陽暴風揚塵

漢書酷吏傳曰長安中姦猾浸多受財報仇相與探丸得赤丸者斫武吏黑者斫文吏城中薄暮塵起死傷橫道枹鼓不息

謝承後漢書曰范史雲爲萊蕪長閭里歌之曰甌中生塵
范史雲
魏志曰歲朝西北大雲風塵埃蔽天十餘日間何晏乃誅
晉書王導傳庾亮以望重地逼出鎮於外南蠻校尉陶稱
聞說亮當舉兵勸導密爲之防導曰吾與元規休戚是同
悠悠之談宜絕智者之口元規若來吾便角巾還第復何
懼哉時亮執朝廷之權趨向者多歸之導內不能平常遇
西風塵起舉扇自蔽徐曰元規塵汗人

家語曰顏回拾甌中塵

博物志曰徐州人謂塵土爲蓬塊吳人謂塵土爲沃塊
崔鴻十六國春秋前秦錄曰慕容冲叛符堅遣平原公暉
討之冲乃令婦人各將一囊盛塵皆令騎牛服文采衣執
持長槊於陳後冲晨攻暉兵刃交接昌言班隊何在於是

奔競而進皆毀囊揚塵埃霧連天莫測多少暉衆大潰
晏子春秋曰余家素貧晝則苦於作勞夜則甘於疲寢三
時之際書皆生塵

山海經曰黑水之南有玄蛇食塵

又曰大人國有青蛇頭方食塵

帝王世紀曰黃帝夢大風吹天下塵垢皆去又夢人執千
鈞之弩驅羊數萬群帝歎曰風爲號令垢去土后在也豈
有姓風名后者哉千鈞之弩異力能遠驅羊數萬群牧民
爲善豈有姓力名牧者哉得風后於海隅得力牧於大澤
神仙傳王方平曰聖人言海中復揚塵

老子曰和其光同其塵

莊子曰野馬也塵埃也

淮南子曰地不滿東南故水潦塵埃歸焉

又曰蒙塵而欲無眦涉水而欲無濡不可得也

語林曰劉道真年十五六在門前弄塵垂鼻涕至曾

葛洪肘後方曰治暈死方取道中熱塵土以積暈人心下

即活 楚辭曰安能以皓皓之白蒙世俗之塵埃也

宋謝莊月賦曰陳王初喪應劉端憂多暇綠苔生閣芳塵

凝榭

曹子建洛神賦曰羅襪生塵

古詩云君為清路塵妾為濁水泥

又曰京洛多風塵素衣化為緇

世說虞公善歌發聲動梁塵

李康遊仙序曰人生天地之間若流電之過戶屛輕塵之

棲弱草

兵書曰名將望塵知馬步之多少也

晉書曰潘岳諂事賈謐望塵而拜

又曰簡文帝性冲澹所居凝塵滿席湛如也

太平御覽卷第三十七

太平御覽卷第三十一
 地部三
 敘山 崑崙山 鍾山 玉山
 蓬萊山 方丈山 瀛洲山 終南山
 釋名曰山頂曰冢亦曰巔亦曰椒山脊曰岡山大而高曰
 嵩嵩高稱也今中岳嵩小而高曰岑銳而高曰嶠卑而大
 曰扈小而衆曰歸上天下小曰巘山有草木曰岫音無草
 木曰垓古來切石載土曰岨土載石曰崔嵬此因形而名之山東曰
 朝陽山西曰夕陽隨日照而名之山足曰麓山穴曰岫山邊曰崖
 崖之高曰巖上秀曰峯陬隅高者曰岳山坡曰坂山三襲
 日陟山再成曰英一成曰垓山中絕曰陁未及上曰翠微
 一說山氣青山屬曰嶧音駱驛相連今魯國有嶧山純山
 標色曰翠微山屬曰嶧音駱驛相連今魯國有嶧山純山

太平御覽卷第三十一

地部三

敘山

崑崙山

鍾山

玉山

蓬萊山 方丈山

瀛洲山

終南山

釋名曰山頂曰冢亦曰巔亦曰椒山脊曰岡山大而高曰

嵩嵩高稱也今中岳嵩小而高曰岑銳而高曰嶠卑而大

曰扈小而衆曰歸上天下小曰巘山有草木曰岫音無草

木曰垓古來切石載土曰岨土載石曰崔嵬此因形而名之山東曰

朝陽山西曰夕陽隨日照而名之山足曰麓山穴曰岫山邊曰崖

崖之高曰巖上秀曰峯陬隅高者曰岳山坡曰坂山三襲

日陟山再成曰英一成曰垓山中絕曰陁未及上曰翠微

一說山氣青山屬曰嶧音駱驛相連今魯國有嶧山純山

太平御覽

卷三十一

十一

狹而高曰巒小曰墮宅果反謂山形長狹者荆州土山曰

阜阜厚也言曲阜曰阿大阜曰陵小陵曰丘山精曰夔亦

曰歧亦曰雲陽祭山曰展懸角毀反自山頂曰冢已

易曰兼山艮下並出說文釋名爾雅

又曰地中有山謙土曰助土曰助土曰助土曰助土曰助土

又說卦曰山澤通氣大山澤小澤大山澤小澤大山澤小澤大山澤小澤

又曰艮為山詩曰如南山之壽不騫不崩

又曰節彼南山楊義易卦序論云險而止山也險而動泉也動靜皆蒙險

故曰山書禹貢曰道岍及岐至于荆州踰于河謂梁山龍門也壺

書禹貢曰道岍及岐至于荆州踰于河謂梁山龍門也壺

口雷首至于太岳三山在冀州大行恒山至于碣石入于

海此二山者連延東北接碣石而入滄海百川經此衆

傾朱圉鳥鼠西傾朱圉在積石以東鳥鼠謂至于太華

尾而熊耳外方桐柏至于陪尾四山相連東南在豫州洛

東也經陪尾凡此皆先舉所施功之山於導嶓冢至于荆山

上而後條列所治水于下以相備也嶓冢在梁州漢所經

嶓冢在梁州漢所經嶓冢在梁州漢所經

之陽至于衡山嶓冢在梁州漢所經

春秋曰山有木工則度之禮記曰今夫山一拳石之多及其廣大草木生之禽獸居

之寶藏興焉又曰天子祭名山大川五岳視三公

又曰天子祭名山大川五岳視三公視視其性器之數

又曰天不愛其道地不愛其寶人不愛其情故山出器車

又曰居山不以魚鱉為禮爾雅曰土高有石曰山釋名云山產也言產萬物

爾雅曰土高有石曰山釋名云山產也言產萬物

釋名云山產也言產萬物

釋名云山產也言產萬物

釋名云山產也言產萬物

釋名云山產也言產萬物

釋名云山產也言產萬物

釋名云山產也言產萬物

釋名云山產也言產萬物

釋名云山產也言產萬物

釋名云山產也言產萬物

釋名云山產也言產萬物

釋名云山產也言產萬物

釋名云山產也言產萬物

釋名云山產也言產萬物

釋名云山產也言產萬物

說文曰山宣也宣氣散生萬物有石而高
春秋元命苞曰山者氣之苞所以含精藏雲故觸石而出
春秋說題辭曰山之爲言宣也含澤布氣調五神也
韓詩外傳曰夫山萬人之所觀仰材用生焉寶藏植焉飛
禽羣焉走獸伏焉育物群而不倦有似夫仁人志士是仁
者所以樂山也
尚書大傳曰孔子曰夫山者鬼鬼然草木生焉鳥獸蕃焉
財用殖焉四方皆無私與焉出雲雨以通乎天地之間陰
陽和合雨露之澤萬物以成百姓以饗此仁者之樂于山
也
國語曰禹封九山山者土之聚也
河圖曰蟠冢山上爲狼星武開山爲地門上爲天高星主
圉圍荆山爲地雌上爲軒轅星大別爲地理以天合地以

通三危山在鳥鼠之西南上爲天苑星岐山在崑崙東南
爲地乳上爲天麋星汶山之地爲井絡帝以會昌神以建
福上爲天井桐柏山爲地穴鳥鼠同穴山之幹也上爲掩
畢星熊耳山地門也精上爲畢附耳星
莊子曰函車之獸分而離山不免綱罟之患
又曰山積卑而成高
管子曰凡天下名山五千三百七十出鐵之山三千六百
有九上有丹砂者下有黃金上有磁石者下有銅金上有
綠石者下有鉛錫上有赭下有鐵
淮南子曰牛蹄之涔無徑尺之鯉魃父之山無文林之材
管宇狹小而不能容巨大也
孫卿子曰不登高山不知天之高不臨深谿不知地之厚
不聞先王之道不知學問之爲大

呂氏春秋曰何謂九山會稽泰山會稽今會稽也泰山今泰山郡是為東岳也王屋首山泰華岐山太行羊腸孟門岐山在右扶風美陽縣西北周家所邑也太行在河內野王縣北羊腸其山盤紆如羊腸狀在大行晉陽北孟門太行是說苑曰土積成山則豫章生焉

又曰五嶽者何謂也泰山東嶽也霍山南嶽也華山西嶽也恒山北嶽也嵩高山中嶽也五嶽何以視三公能大布雲雨焉能大斂雲雨焉觸石而出膚寸而合不崇朝而雨天下施德博大故視三公也

白虎通曰東岱山岱者言萬物相代於東方南衡山者上承景宿銓德均物故曰衡也西華山華者獲也萬物熟成乃有獲也北恒山恒常也言萬物伏藏於北方有常度也中嵩山嵩者高也言峻大處中以領四方地鏡圖曰入名山必齋五十日牽白犬抱白雞以白鹽一

山神大喜芝草異藥寶玉為出未到山百步呼曰林兵此山王主者名知之却百邪關令尹喜內傳曰五百歲天下名山一開開時金玉之精涌出

晏子春秋曰齊大旱景公召群臣問曰天久不雨矣民且有飢色吾卜祟在高山廣澤寡人欲祠靈山可乎晏子曰夫靈山以石為身以草木為毛髮天不雨髮將焦身將熟獨不欲雨乎祠之何益

山海經曰周穆王周歷四荒名山大川靡不登躋東昇大夫之堂西宴王母之廬列子傳曰共工與顓頊爭天下怒而觸不周山魏志曰明帝起景陽山於芳林園晉書顧凱之好遊會稽人間山川之美對曰千巖競秀萬

壑爭流

宋書曰謝靈運好登山常着木屐上山則去前齒下山則去後齒

漢書曰李廣利刺山而泉涌

楚詞曰山中兮不可以久留

古詩曰上山採蘼蕪下山逢故夫

崑崙山

爾雅曰西北之美者有崑崙之璆琳琅玕焉

史記曰禹本紀言河出崑崙其上有灃泉華池

漢書曰張安世房中歌詩云天馬來兮開遠門竦余身兮

遊崑崙

博物志曰崑崙從廣萬一千里神物集也出五色雲氣五色流水其白水東南流入中國名爲河也

河圖括地象曰崑崙之山爲地首上爲握契滿爲四瀆橫爲地軸上爲天鎭立爲八柱河圖始闔圖曰崑崙之墟有五城十二樓河水出焉四維多玉龍魚河圖曰崑崙山天中柱也

紀年曰周穆王十七年西征至崑崙丘見西王母

穆天子傳曰天子昇於崑崙之丘以觀黃帝之宮增封於

崑崙山上

又曰天子遂宿于崑崙之阿赤水之陽

山海經曰周穆王至崑崙之丘遊軒轅之宮眺鍾山之嶺

勒石西王母之山紀迹玄圃之上

又曰槐江之山實惟帝之平圃南望崑崙其光熊熊有木

焉其狀如棠而黃華赤實其味如李而無核名曰沙棠食

之令人不溺

草之美者沙棠之實

又曰崑崙之墟方八百里高萬仞上有木禾長五尋大五圍面有井以玉為檻檻面有五門門有開明獸守之百神所在崑崙之墟又曰崑崙之丘有神人面虎身文尾其下有弱水泉徐整長曆曰北斗當崑崙上崑崙之墟真人關尹內傳曰萬億萬歲有一大水崑崙飛浮是時飛仙迎取天王及善民安之山上也葛仙公傳曰崑崙山一日玄圃臺一日積石瑤房一日閼風臺一日華蓋一日天柱皆仙人所居崑崙之墟列仙傳赤松子者神農時雨師也服水石以教神農能入火不燒至崑崙山上常止西王母石室中隨風雨上下炎帝少女追之亦得仙俱去至高辛時復為雨師今之雨師是

又曰王母者神人也人面蓬頭髮虎爪豹尾善嘯穴居名西王母在崑崙山中崑崙之墟神仙傳曰東郭延者山陽人也服雲飛散能夜書有數十人乘虎豹來迎比隣盡見之與親友辭別而去云詣崑崙山神異經曰崑崙有銅柱焉其高入天所謂天柱也圍三千里負周如削銅柱下有屋壁方百丈崑崙之墟搜神記曰崑崙之山是惟帝之下都環以炎火山十洲記曰崑崙崑崙山也上有金臺玉闕亦元氣之所合天帝君治處崑崙之墟玄中記曰崑崙西南山周迴三萬里巨蛇繞之得三周蛇長九萬里崑崙之墟尸子曰赤縣州者寔為崑崙之墟玉紅之草生焉食其一

實而醉卧三百歲而後寤崑崙之數王珠之草少許食其一
呂氏春秋曰菜之美者有崑崙之蘋也
淮南子曰崑崙山上有層城九重上有木禾其條五尋珠
樹玉琬樹不死樹在其西沙棠琅玕在其東絳樹在其南
瑤樹在其北
又曰崑崙之玉瑱而塵垢不能汙也
抱朴子曰蔡誕者自云被謫至崑崙初誕還人問云崑崙
似何答曰天不問其高幾里要於仰視之去天過十數里
也
崔鴻十六國春秋前趙錄曰東平王劉約癸亥卒一指猶
暖遂不殞殮至於甲戌乃蘇言見劉淵於不周山經五日
遂復從至崑崙山三日而復返於不周見諸王公卿將死
者悉在焉

又曰酒泉太守馬岌上言酒泉南山即崑崙之體也周穆
王見西王母樂而忘歸即在此山山有石室王母堂珠璣
鏤飾煥若神宮
鍾山
穆天子傳曰自密山以至鍾山四百六十里其間盡澤多
怪獸奇魚
又曰天子北昇于春山之上望四野郭璞注曰春音鍾也曰是惟天
下之高山
山海經曰黃帝取密山之玉築投之鍾山之陰以為
又曰鍾山其子曰鼓此亦神名各之為鍾山之子其狀人
面而龍身帝乃戮之鍾山之東也
又曰鍾山之神名曰燭陰燭龍也是視為晝瞑為夜吹為
冬呼為夏

魯女生列傳曰鍾山之棗其大如餅

十洲記曰北海外有鍾山自生千芝及神草此洲受太玄生符錄仙家數十萬耕田種芝草課計頃畝種稻

玄中記曰北方有鍾山焉山上有石首如人首左目為日右目為月開左目為晝開右目為夜開口為春夏開口為秋冬

淮南子曰鍾山之玉灼之以鑪炭三日三夜其色不變論衡曰鍾山之上以玉抵鵲彭蠡之濱以魚食犬

穆天子傳曰天子西征來還乃循黑水至于群玉之山天

子於是取玉板玉器服物載玉萬候雙玉為玉羊壁為候見左傳

山海經曰玉山是西王母所居此山多玉石因以為名帝王世紀曰崑崙之北玉山之神人身虎首豹尾蓬頭

外國圖曰西王母國前弱水中有玉山白兔關駟十洲記曰赤水西有白玉山山有西王母堂室

蓬萊山

漢書王莽傳曰有奇士大十圍自言巨無霸出於蓬萊山輜車不能載三馬不能勝

又武記曰太初元年十二月祀后土東臨渤海望祀蓬萊十洲記曰蓬萊山外別負海謂之溟海無風而洪波百丈有九氣丈人九天真君宮

玄中記曰東南之大者有巨鼈焉以背負蓬萊山列子曰渤海之東有大海其中有山一曰岱輿二曰員嶠三曰方壺四曰瀛州五曰蓬萊其上臺觀皆金玉禽獸皆純縞珠玕之樹皆聚生實皆有滋味食之不老不死人皆仙聖一日一夕飛翔來往

山海經曰蓬萊山海中之神山非有道者不至

列仙傳曰安期生琅琊阜鄉人時人皆言千歲秦始皇與語賜金璧數千萬出阜鄉亭皆置去留以赤玉鳥一量為報曰後千歲求我蓬萊山下

又曰負局先生語以燕岱間人吳市中摩鏡一錢因摩之輒問主人得無有疾苦輒出紫赤藥與之莫不時愈後上吳山懸藥下與萬姓欲去時語下人曰吾欲還蓬萊山神山傳麻姑謂王方平曰自接待已來三見海水變為桑田蓬萊之清淺也不復見

漢書曰大液池有方丈瀛洲象海中神山焉○神仙傳曰服閭者不知何人常止莒往來海邊諸祠中有三仙人於祠中博賭瓜使服閭擔黃瓜十枚令瞑目乃止方丈山在

蓬萊山南時往莒取瓊寶賣之

瀛洲山

史記封禪書曰齊宣王燕昭王使人求蓬萊方丈瀛洲此三神山傳在海中去人不遠望之如雲中及至則三山返在水下欲至風則引船而去莫能至者仙人不死藥皆在焉黃金白銀為官闕

終南山

書曰終南惇物至於鳥鼠謂終南惇物二山西出至千鳥鼠山

詩曰終南何有有條有枚漢書曰太一山又為終南山五經要義太一山在扶風武功縣則終南太一不得為一山明矣蓋終南南山之摠名太一山之別號

唐書曰盧藏用初隱終南山後出仕道士司馬子微歸天

台山群公祖道藏用指終南山曰此中甚有佳處何必天台子徽曰以吾觀之此乃仕官之捷徑爾藏用有慙色又日文宗開成二年詔曰每聞京師舊說以爲終南山與雲祈必有雨若晴霽雖密雲至地竟不霑濡况茲山北面闕庭日當恩故脩其望祀寵數宜及今聞都無祠宇終南山未備禮秩命有司即時建立關中記曰終南山一名中南言在天中居都之南也又曰終南太一左右三十里內名福地

皇甫謐高士傳曰四皓共入商洛隱地肺山以待天下定漢高祖徵之不至乃深自匿終南山辛氏三秦記曰太一在驪山西去長安二百里山之秀者也中有石室常有一道士不食五穀自言太一之精齋潔乃得見之其狀似仙人山一名地肺可避洪水俗云亦有

神人乘船行追之不可及

方輿記曰東方朔謂天之大阻其終南多金銀鐵玉石樟檀異類之物此百工取給萬姓所仰足也風土記曰王莽以皇后有子通子午道從杜陵直抵終南

太平御覽卷第三十八

孫巖宋書曰高祖表曰沙門釋法義於嵩高廟所石壇下
得玉璧三十二枚黃金一餅符彩潤潔河南太守毛脩之
以靈岳降瑞送諸神府

列仙傳曰王喬周靈王太子晉也好吹笙作鳳鳴遊伊洛
之間浮丘公接以上嵩高山三十餘年後於山上見桓良
日告我家七月七日待我緱氏山頭果乘白鶴駐山巔望
之不得到舉手謝時人數日而去

漢武內傳曰漢武帝夜夢與少君俱上嵩高山半道有繡
衣使者乘龍持節從雲中下言太一請少君覺告近臣曰
如朕夢少君將捨朕去矣

劉義慶世說曰嵩高山北有大穴晉時有人誤墮穴中見
二人圍碁下有一杯白飲與墮者飲氣力十倍碁者曰汝
欲停此否墮者曰不願停碁者曰從此西行有天井其中

蛟龍但投身入井自當出若餓取井中物食之墮者如言

可半年乃出蜀中因入洛問張華華曰此仙館也所飲者
玉漿耳所食者龍肉石髓

崔鴻十六國春秋前秦錄曰王猛至深山見一老父據胡
牀鬚鬢皓然猛進拜老父曰王公何因拜也遣人送猛出

山顧視乃嵩高山也
即中岳嵩山今在陽城縣西也

黎赤理服者不垢有草焉其狀如禾服者不昧上多美石
次玉者也

嵩高山記曰漢有道士從外國將貝多子來於嵩岳西腳
下種之并立浮圖今有四樹與衆木有異一年三花花白
色其香甚佳嵩山最是栖神靈藪也東出一里有自然五
穀神芝仙藥東腳下有衆果樹云是漢果園後有小山名

牛山多香樹昔有婦女姪身三十月生子五歲便入嵩高
學道通神明爲母立祠號開母祠又有三臺山漢武東巡
過此山見三學仙女遂以爲名又一石室有自然經書飲
食室前石柱似承露盤有石暗滴下食之一合與天地相
畢中頂南下二百步亦有岳廟畫爲神像有玉人高五寸
玉色光潤相傳曰明公山人或失之經旬乃見
山海經曰少室之山有木焉名曰帝休葉狀如楊枝五衢
黃華黑實服者不怒其上多玉其下多鐵其中多鯪魚得
其食者無蟲疾可以禦惡服之不怒郭氏注云陽城西谷
名季室亦曰少室山顛有白玉膏服之仙山有周昭王陵
又戴延之西征記曰少室山中多神藥漢武帝築登仙臺
在其峯
郡國志云少室山一名黍室山負黍城在南故因山以名

城也

又云少室有金像人往視則有白露起迷人
雜道書曰少室之陽高于平地八百六十丈方十里可避
兵火之災

華山

禮記曰地之廣厚載華岳而不重
范曄後漢書曰張楷字公超隱居弘農山學者隨之所居
成市能爲五里霧後華山南遂有公超霧市
唐書曰李適之代牛仙客爲右相累封清和縣公與李林
甫爭權不叶適之性疎爲其陰中林甫常謂適之曰華山
有金鑛採之可以富國上未知適之心善其言他日從容
奏之玄宗大悅顧問林甫對曰臣知之久矣然華山陛下
本命王氣所在不可穿鑿臣不敢上言帝以爲愛己薄適

之言竦之

白虎通曰西方為華山者何少陰用事萬物生華故曰華山

武帝傳曰魯女長樂人初餌胡麻及水絕穀八十餘年日更少壯色如桃花一旦與故人別云入華山去後五十年先相識者逢女華山廟前乘白鹿從玉女三十人并謝其鄉里親戚故人

崔鴻十六國春秋前趙錄曰石虎使人探策于華山得玉板

山海經曰華山塚也塚者神鬼之所舍也其祀之以太牢

又曰泰華之山削成而四方其高千仞其廣千里郭璞注曰山上明星玉女主持玉漿人得服之即神仙之道嶮無不通也有蛇曰肥遺六足四翼見則天下旱

列仙傳曰馬明生從安期先生受金液神丹方乃入華陰

山中合金神丹昇天也

又曰脩羊公者蜀人也止華陰山石室中中有懸石榻臥

其上石盡穿陷

又曰毛女者在華陰山中獨師世世見之體生毛自言秦

始皇宮人也

又曰呼子先者漢中關下卜師也壽百餘歲臨去呼酒家

姬日急裝當與姬共應中陵王今夜有仙人持二茅狗來

先持一與酒家姬得俱騎乃龍上華陰山也

周禮曰豫州其鎮山曰華山

華山記云山頂有池生千葉蓮花服之羽化因曰華山

又曰山有三峯謂蓮花毛松檜也

辛氏三秦記曰華山在長安東三百里不知幾千仞如半

天之雲

晏子春秋曰君子若華山松柏既多望之自不知厭

薛綜注西京賦曰華山對河東首陽山黃河流於二山之

間古語云本一山當河河水過之而曲行河神巨靈以手

掌開其上以足踏離其下中分為兩以通河流今觀手跡

於華嶽上足迹在首陽山下俱存焉

韓子曰秦昭王使工人施鉤梯上華上以松柏之心為博

箭長八尺棊長八寸勒之曰昭王嘗與天神博於此

周易是類謀曰西岳亡玉羊鄭玄注云玉羊華山之精

山海經曰小華山華即少華也其木多荆杞烏多赤鷲可以禦火

詩曰泰山巖巖魯邦是瞻

傳曰鄭伯請釋泰山之祀而祀周公以泰山之祊易許田

公羊傳曰山川有能潤于百里者天子秩而祭之觸石而

出膚寸而合不崇朝而遍雨天下者唯泰山乎禮祭名也

語曰季氏旅於泰山子謂冉有曰汝不能救歟禮諸侯祭

山川在其封內者今皆臣祭泰山非禮也冉有孔子時任季氏救猶止也對曰不能子曰嗚呼

曾謂泰山不如林放乎孔子意云泰山之神聖遠也

白虎通曰王者功成封禪必於泰山者何萬物之始交代

之處也

史記曰漢武帝封泰山白雲起封中亦謂天間也三千里

漢書曰武帝封泰山禪石闕應劭注曰石闕在泰山下南

方土人言仙人間

應劭漢官儀曰泰山東南名曰觀者雞鳴時見日始欲

出長三丈所觀者望見長安其高如視浮雲其峻如無道

徑望人如蓋升或以為小白石或以為冰雪視巖石松樹

鬱鬱蒼蒼如雲中
晉書曰張忠隱于泰山教授弟子教以形不以言符堅徵之及至堅賜以衣冠辭曰年朽髮落不堪衣冠請以野服入覲從之後乞還堅以安車送之行達華山歎曰我東岳道士歿于西岳命也及關而死
道書福地記曰泰山多芝草玉石下有洞天周迴三千里鬼神之府

表山松後漢書曰光武封泰山雲氣成宮闕
風俗通曰古封泰山禪梁甫舊說岱宗上有金匱玉策能知人年壽脩短漢武帝探策得十八因倒讀曰八十其後果壽長八十
博物志曰泰山一日天孫言為天帝孫也主召人魂魄東方萬物始成故知人生命之長短

五經通義云一日岱宗言王者受命易姓報功告成必於岱宋也東方萬物始交代之處宗長也言於羣嶽之長
白虎通曰王者受命必封禪封者廣厚也禪除地為壇字本為壇以其祭神故皆刻石紀號著己之功績以自効也天以高為尊地以厚為德故增泰山之高以報天禪梁甫之阡以報地也
史記曰無懷氏封泰山禪云云伏犧封泰山禪云云神農封泰山禪云云炎帝封泰山禪云云黃帝封泰山禪云云顓頊封泰山禪云云帝嚳封泰山禪云云堯封泰山禪云云禹封泰山禪會稽周成王禪梁甫肅然及蒿里石閭後又凡五脩封泰山
後漢書曰光武封泰山禪梁甫凡云云亭亭肅然蒿里社首梁甫皆泰山下小山也石閭在西巖下
漢官儀及泰山記曰泰山盤道屈曲而上凡五十餘盤經小天門大天門仰視天門如從穴中視天窻矣自下至古封禪處凡四十里山頂西巖為仙人石閭東巖為介丘東

南巖名曰觀日觀者雞一鳴時見日始欲出長三丈許又東南名秦觀秦觀者望見長安吳觀者望見會稽周觀者望見齊黃河去泰山二百餘里於祠所瞻黃河如帶若在山北山南有廟悉種柏千株大者十五六圍相傳云漢武所種小天門有秦時五大夫松見在茅君內傳云仙家凡有三十六洞天岱宗之洞周迴三千里名曰三官空洞之天

列仙傳曰稷丘君者泰山道士也武帝時以道術受賜後上東巡泰山稷丘君乃冠章甫衣黃衣擁琴來拜武帝曰陛下勿上也必傷足上必欲上及上數里左右足指果折乃止

列仙真人傳曰馬明靈者齊國臨淄人也本姓和字君賢為縣吏捕賊為所傷當時殆死良久忽於道間見一女以肘後管中一丸藥大如小豆與明服之於是即愈血絕瘡

合隨神女還岱宗石室中上下懸絕重巖深隱去地千餘丈其中金床玉机乃人跡所不能至

神仙傳曰劉馮者沛人學道於穆王子服石桂英及中岳石流黃年三百餘歲而有少容後入泰山中

又曰泰山下老父者失其姓名漢孝武皇帝巡狩見老父鋤於道間頭上白光高數丈因問之父對曰臣年八十五時衰老垂死頭白齒落有道者教臣絕穀但服飲水并作神枕枕中有三十二物其二十四物以當二十四氣其八物當八風臣行之轉少日行三百里今年九十矣帝受其方賜縑帛去父入岱宗山十年五年時還鄉里三百餘年乃不復還也

上黨記曰太行坂東頭即泰山也避世者區種而食或射熊於巖間

泰山記曰泰山廟在山南悉種柏樹千株大者十五六圍
長老傳云漢武所種廟及東西房三十餘間并高樓三處
春秋饗祀泰山君常在此壇

周易是類謀曰泰山失金雞鄭玄注曰金雞泰山之精
丘淵之齊記曰泰山東岳也瀛博二縣共界漢武封禪割
此縣以祀泰山故曰奉高三十里有延陵兒塚
伍輯之從征記曰泰山於所經諸山非最高而岑嶠軒舉
凌跨衆阜雲霞草木藹然靈異苑圃神奇故無螿蟲猛獸

孟子曰孔子登東山而小魯登泰山而小天下

尸子曰泰山之中有神房阿閣帝王錄

淮南子曰清之爲明杯水而見眸子濁之爲闇河水不見
泰山

新序曰挾泰山以超北海

恒山亦名常山

史記曰趙簡子謂諸子曰吾藏寶符於常山往得者立焉
諸子往竟無所得無恤曰常山臨代代可取也簡子曰是
知符矣遂立之

白虎通曰北方爲常山者何陰終陽始其道常久故曰常
後魏書曰道武立廟於上置侍祀九十九人歲時祈禱水
旱至文成帝東巡親禮其神焉

春秋元命苞曰昴畢散爲異州分爲趙國立爲常山

崔鴻前燕錄曰慕容儁壽光三年常山寺大樹根下得壁

七十二圭七十光色精奇有異常玉

孫子兵法曰常山之蛇名曰率然一身而兩頭擊其一頭
則一頭至擊其中則兩頭俱至

神農本草曰常山有草名神護置之門上每夜叱人

常山圖經曰北嶽恒山在縣西北一百四十里
 尚書禹貢曰太行恒山至于碣石有恒水出焉其下有祠
 晏天王按山記曰高三千九百丈上方三十里周廻三千
 里上有泰玄之泉神草十九種道者服之成仙
 又太史公云北岳者有五名一名蘭臺府二名列女宮三
 名華陽臺四名紫微宮五名太一宮或云太茂山山北四
 百餘里號飛狐之口有率然地孫吳諭兵勢
 管子曰其山北臨代南俯趙東接河海之間早生而晚殺
 五穀之所蕃熟四種五獲焉
 陽固北都賦曰茂丘茂山也蓋恒岳之別名派水從西來
 甚大至茂山之西沈伏于地過山而復出其大如初世言
 避恒岳之靈

衡山

周官曰荊州其山鎮曰衡山
 徐靈期南岳記曰衡山者五嶽之南嶽也其來尚矣至于
 軒轅乃以瀟音霍之山為副焉故爾雅云霍山為南嶽蓋
 因其副焉或云衡山一名霍山至漢武南巡又以衡山遼遠道隔江
 漢於是乃徙南嶽之祭于廬江瀟山亦承軒轅副義也賈干
 搜神記曰漢武徙南嶽之祭于廬江瀟縣之霍山郭璞爾
 雅注云霍山在廬江郡潛縣別名天柱山漢武以衡山遠
 遠識緯以霍山為岳故祭之也
 晉書曰劉麟之嘗採藥至衡山深入忘返見有一澗水南
 有二石因一開一閉水深廣不得過欲還失道遇伐弓人
 問逕僅得還家或說因中皆仙靈方藥麟之欲更尋終不
 復知處
 羅含湘中記曰衡山九疑皆有舜廟太守至常遣戶曹致
 祀則如絃歌之聲也

吳越春秋曰禹傷父功不成登衡山血白馬以祭之忽然而卧夢赤繡文衣男子稱玄夷蒼水使者謂禹曰欲得我山書者齋於黃帝之嶽禹乃退齋三日登宛委發石得金簡玉字之書得治水之要也

盛弘之荊州記曰衡山有三峯共一名紫蓋每見有雙白鶴徊翔其上一峯名石罔下有石室尋山徑聞室中有諷誦聲一曰芙蓉上有泉水飛流如舒一幅白練

山海經曰衡山一名岫嶼山其上多青獲鳥多鸚鵡岫音嶼

湘中記曰衡山九疑皆有舜廟遙望衡山如陣雲泐湘千里九向九背乃不復見有玉牒焉禹按其文以治水也劉敬叔異苑曰湘東姚祖太元中為郡吏經衡山望巖下數少年並執筆作書祖行旅休息乃過之未至百步少年

相與飛颺遺一紙書其字皆鳥跡。郡國志云衡山南嶽也南嶽記云當翼軫度璣衡謂之衡山山有錦石斐然成文

霍山

白虎通曰南方為霍山者何太陽用事護養萬物故為霍山爾雅曰大山宮小山霍郭璞注曰宮謂圍繞也禮記曰君為盧宮是也漢書武帝以衡山質遠識記皆以霍山為南嶽故祭其神於此

宗書曰霍山數年來常有鐘聲潛發重壤山崩間有六鍾自出制度合古式聲中律呂

山海經曰霍山有獸焉其狀如狸白尾有鬣名曰脯脯可以忘憂音沛謂畜之也

黃庭內景經曰霍山下有洞臺方二百里司命君之府也
白虎通曰小山繞大山為霍

自山陽數合古海登中脊曰霍山
崇書曰霍山幾平來常齊嶽嶺新發重嶽山巖間首六
嶽曲之謂也
齊書方帝以濟山巖嶽嶺首以霍山巖嶽嶺為其
嶽曰大山宮小山宮

太平御覽卷第三十九

白虎通曰南衣為霍山
文選曰霍山
山南嶽嶺云霍山神異
與余測畫一齊書其字曰霍

太平御覽卷第四十

地部五

王屋山 太行山 霍太山 首陽山

龍門山 岐山 梁山 太白山

峨眉山 岷山 嶓冢山 鳥鼠山

積石山

王屋山

列子曰太行王屋二山方七百里高萬仞北山愚公者年
且九十面山而居懲山北之寒出入之迂也聚室而謀曰
吾與汝畢力平險可乎雜然相許雜猶也其妻曰以君之力
曾不能損魁父之丘如太行王屋何且焉置土石雜曰投
諸渤海之尾隱士之北遂率子孫荷擔者三夫叩石墾壤
運於渤海之尾隣人京城之孀妻有遺男始齷往助之寒

暑易節始一反焉河曲智叟笑而止之曰甚矣汝之不慧以殘年餘力曾不能毀山之一毛其如土石何北山愚公長息曰汝之心曾不若孀妻弱子雖我之死有子存焉子又生孫孫又生子子子孫孫無窮匱也而山不加增何苦而不可乎河曲智叟無以應操蛇之神聞之懼其不已告之於帝帝感其誠命夸蛾氏二子負二山一厝朔東一厝雍南

神仙傳曰甘始太原人善行氣不食服天門冬治病不用針艾在人間三百歲乃入王屋山
茅君內傳曰王屋山之洞周迴萬里名曰小有清虛之天太素真人王君內傳曰王屋山有小天號曰小有天周迴一萬里三十六洞天之第一焉

太行山

史記曰酈生說漢高祖曰願足下急復進兵收取滎陽據敖倉之粟塞成臯之險杜太行之道距飛狐之口守白馬之津以示諸侯
神仙傳曰王烈邯鄲人服黃菁鉛華老而更少嵇叔夜甚愛之與共入山遊戲烈後獨入太行山忽聞山東北如雷聲往視山上破數百丈石中有一孔徑尺中有青泥出烈取搏之隨手堅凝氣味如粳米飯也烈自食數丸因掘歸以與叔夜即皆成青石打之作銅聲案神山五百歲一開其中有石髓得而服之壽與天地相畢
述征記曰登滑臺城西南望太行山白鹿岩王莽嶺冠于衆山之表

墨子曰墨子怒耕桂子曰我無喻於子墨子曰將上太行駕騾與羊子將誰驅曰將驅騾以騾足責也墨子曰我亦

以子為足責水經注曰仲尼傷道不行欲北從趙鞅聞殺鳴犢遂旋車而反其後晉人思之於太行嶺南為之立廟蓋往時迴轅處也余案諸子書及史籍之文並言仲尼臨河而歎曰丘之不濟命也夫如是非太行迴轅之言也博物志曰按太行山而北去亦不知山所限極處亦如東海不知所窮霍太山人史記曰智伯攻趙襄子懼乃奔保晉陽原過後至於王澤見三人自帶以上可見自帶以下不可見與原過竹二節莫通曰為我以是遺趙無恤原過既至以告襄子襄

子齋三日親自剖竹有朱書曰趙無恤余霍太山徐廣曰在河東永安山陽侯天使也三月丙戌余將使汝反滅智氏亦立我百邑余將賜汝林胡之地滅智伯使原過主霍太山祠祀又曰飛廉先為紂作石槨徐廣曰作石還無所報乃為壇於霍太山而報得石棺銘曰帝令處父不與躬亂賜汝石棺水經注曰霍太山上有飛廉冢山上有岳廟廟甚靈鳥雀不棲其林猛虎常守其庭此則禹貢嶽陽也唐書曰義旗初建高祖自太原起兵西赴關中途經霍邑時隋將宋老生陳兵拒險義師不得進乃屯於賈胡堡會霖雨積旬餽運不給高祖患之忽有白衣老人詣軍門請見余霍山神也遣語大唐皇帝若向霍山東南傍山取路

八日雨止當我助爾破之高祖初晒之遣人東南視果有
微道高祖笑曰此神不欺趙襄子豈當負吾邪及八月己
卯雨果霽高祖太悅以太牢祭其山

詩曰采苓采苓首陽之巔采苦采苦首陽之下采葑采葑
首陽之東

史記曰伯夷叔齊孤竹君之子讓國而逃聞西伯善養老
往歸焉及至西伯卒武王載木主東伐紂伯夷叔齊扣馬
諫左右欲兵之太公曰此義人也舍之伯夷叔齊恥之義
不食周粟隱於首陽山采薇而食之乃至餓死

瓊語曰晉平公與齊景公乘至于滄見人乘白驂八駟以
來平公之前公問師曠曰有犬狸身而狐尾者乎師曠有
頃而荅曰有之首陽神其名曰者來首陽之神飲酒霍太

山而歸其居於滄乎見之甚善君喜焉

戴延之西征記曰洛東北去首陽山二十里山上有伯夷
叔齊祠或云餓死此山今河東蒲坂南又謂首陽亦有夷
齊祠未詳餓死所在

山海經曰和山上無草木而多瑤碧實惟河之九都是山
也五曲九水出焉合流而北注于河其中多蒼玉吉神泰
逢司之是神好居於蕢山之陽出入有光

呂氏春秋曰夏后氏孔甲田于東陽蕢山遇大風雨皇甫
謐帝王世紀以為即東首陽山也蓋是山之殊目矣

龍門山

書禹貢曰浮于積石至于龍門西河
孔安國曰龍門在河東之西界也
周禮曰大司樂以陰竹之管龍門之琴瑟陰竹北於宗廟奏
之九變則人鬼可得而禮

孝經援神契曰禹鑿龍門闢伊闕決江開岷導四瀆鑿龍門以

通河鑿岷山以開江導淮於桐柏導濟於王屋故言導四瀆

漢書地理志龍門山在馮翊夏陽縣北續漢書同

辛氏三秦記曰河津一名龍門巨靈迹猶在去長安九百

里江海大魚俱集門下數千不得上上則為龍故云曝鯁

龍門

尸子曰古者龍門未鑿呂梁未闢河出於孟門上

慎子曰河之下龍門其流駛如竹箭駟馬追弗能及

淮南子曰龍門未闢呂梁未鑿河出孟門之上大溢逆流

無有丘陵高阜名洪水大禹通之孟門

水經注云風山四十里河水南出孟門與龍門相對即龍

門之上口也實為河之巨阨兼孟門津之名也又有黃河

自風山西四十里南出孟門山北經禹鑿廣岸崇深傾崖

及捍巨石臨危若墜復倚焉

及捍巨石臨危若墜復倚焉

岐山

易曰王用亨于岐山吉無咎

詩曰古公亶父來朝走馬率西水滸至于岐下

又曰居岐之陽在渭之將萬邦之方下民之王

孟子曰大王居邠狄人侵之事之以皮幣不得免焉事之

以犬馬不得免焉事之以珠玉不得免焉乃屬其耆老而

告之曰狄人之所欲者吾土地也君子不以其所養人者

害人二三子何患乎無君我將去之去邠踰梁邑於岐山

下而居焉

圖經曰岐山亦名天柱山禹貢曰導岍及岐

河圖括地象云岐山在崑崙山東南為地乳上多白金周

之興也鸞鷲鳴於岐山時人亦謂岐山為鳳皇堆

酈元注水經云天柱山上有鳳皇祠或云其峯高峻迥出諸山狀若柱因為名焉

書曰壺口治梁及岐

壺口在冀州梁在雍州循山治水在西

詩曰奕奕梁山維禹甸之

奕奕大兒甸治也禹治梁山除水災也

傳曰梁山崩晉侯傳召伯宗伯宗辟重重人曰待我不如捷之速也問其所曰絳人也問絳事曰梁山崩將召伯宗謀之問將若之何曰山有朽壤而崩可若何國主山川山崩川竭國君為之不舉降服乘縵徹樂出次祝幣史辭以禮焉其如此而已雖伯宗若之何

穀梁傳曰梁山崩壅河三日不流晉君召伯宗而問之伯宗來遇輦者輦者不避使車右下而鞭之輦者曰所以鞭我者其取道遠矣伯宗下車而問焉曰子有聞乎對曰梁

山崩壅過河三日不流伯宗曰君為我此召我也為之奈何

曰天有山天崩之天有河天壅之雖召伯宗如之何

爾雅曰梁山晉望也

郭璞注曰晉國所望祭者也今在夏陽西北臨河上也

漢志注曰梁山在夏陽西北即尚書禹貢治梁及岐詩韓奕篇曰奕奕梁山晉國所望大梁別小梁之號俱在韓城縣界大梁山在今縣西又按三秦記梁山宮城又名織錦城

太白山

辛氏三秦記曰太白山在武功縣南去長安三百里不知高幾許俗云或云武功太白去天三百尺山下軍行不得鳴鼓角鳴鼓角則疾風暴雨兼至也

周地圖記曰太白山甚高上恒積雪無草木半山有橫雲如瀑布則澍雨人常以為候驗之如離畢焉故語曰南山

瀑布非朝即暮

魏略曰吉茂蘇則值亂隱於扶風南太白山中以經籍自娛

列仙傳曰陸通楚狂接輿也好養性在蜀峨眉山世世見之數百年

華陽國志曰犍為南安縣南有峨眉山去縣八十里地圖云有仙藥漢武求不能得

益州記曰峨眉山在南安縣界當縣南八十里兩山首相望如蛾眉

易乾鑿度曰岷山上為井絡

書曰岷山導江東別為沱

江東南流沱東行也

書璇璣鈴曰禹導積水決岷山流九貢

九貢九州之貢

家語曰江始出岷山其源可以濫觴及至于江津不方舟不可以涉

漢書曰成帝時岷山崩壅江水江水逆流

山海經曰岷山江水出焉

今在汶山郡廣陽縣西大江所出也

其上多金玉其下多梅多棠其獸多犀象多夔牛

書曰嶓冢導漾東流為漢

華陽國志曰西岷嶓地稱天府

河圖括地象曰嶓冢山上為狼星上有異草花名骨容食之無子

河圖括地象曰鳥鼠山

河圖括地象曰鳥鼠同穴山地之幹也上為掩畢星渭水

出其中
 漢武內傳曰封君達隴西人也初服黃蓮五十餘年入鳥鼠山於山中服水百餘年還鄉里年如三十常乘青牛號青牛道士也

山海經曰鳥鼠同穴山今在隴西首陽縣西南山有鳥鼠同穴鳥名鷓鼠名鷓鷃如家鼠而短尾鷓如鷄而黃穿地入數尺鼠在內鳥在外而共處孔安國傳鳥鼠共為雌雄沙州記曰鳥鼠同穴山鳥如家雀色小白鼠小黃而無尾凡同穴地皆肥沃壤盡軟熟如人耕多生黃花紫草

書曰浮于積石至于龍門西河

穆天子傳曰西濟于河用申八駿之乘以飲于枝詩之中積石之南河

水岐成曰

詩詩渚也

詩詩渚也

山海經曰積石山其下有石門河水冒以西冒覆也積石
西南羌中河行是山也萬物無不有
塞外東入塞也
 莊子曰鳳之所居也積石千里河水出下鳳鳥居上

太平御覽卷第四十

